



JL 6
2529
12



門八名
號2529
卷49-12

吉林通志卷二十七

輿地志十五 風俗

吉林烏喇精騎射善捕捉重誠實尚詩書 盛京通志一百五

性直樸習禮讓務農敦本以

國語騎射為先弓挽八力發槍命中驍勇聞天下自嘉

慶五年添設滿合考試文風益振 吉林外紀八

永吉州質樸氣剛人敦忠信 盛京通志一百五

烏拉勤儉畏法騎射尤其所長 同上 尚勤儉明禮讓總

管衙門管下人採捕優長協領管下人精於騎射 吉林

外紀八

甯古塔性直樸善佃獵盛京通志一百五尙純實耕作之餘

尤好射獵自漢字事件日增益競於文墨吉林外紀八

伯都訥俗貴直誠人精騎射盛京通志一百五風氣醕古人

樸厚好騎射常於馬上擲木棒捕兔百發百中吉林外紀八

八

三姓諳水性喜佃獵盛京通志一百五好直爽善騎射槍技

嫻習吉林外紀八

阿勒楚喀勤耕作嫻圍獵盛京通志一百五尙耕釣素稱魚

米之鄉習禮讓嫻騎射務本而不逐末吉林外紀八

琿春儉樸相尙佃獵擅長盛京通志一百五舊無丁民亦無

外來民戶皆熟

國語騎射捕打海參海菜爲生少耕作四時射獵無虛

日尤嫻於槍吉林外紀八

拉林純樸相尙務農之餘熟嫻騎射同上

雙城堡習尙勤儉旗丁嫻熟耕作地利大興同上

士修禮義愛名節愿謹畏事專務讀書自學政范吉

以來文風寢盛新纂下皆同

農人力田少嗜好終歲辛勤不敢少休里黨和睦不

輕轉徙婚喪皆習儉樸樹藝之事頗嫌鹵莽而土地

肥饒收穫自倍新墾之荒得粟尤多

工匠亦工雕鏤凡土木石金銅錫之屬各極工巧象生人物尤擅其長

商賈多直隸山東西人亦間有江浙商人售南中土宜者土人服賈遠方惟販運人漫鹿茸及各種藥材而已

冠禮向未舉行

婚禮先合婚旣吉納采日書男女年庚於紅箋日庚帖盛以匣侑以布帛釵釧羊酒茶果之儀送致女家日過定禮親迎前具送綵衣數襲日過大禮先日備酒筵設鼓樂門外盛列儀仗置綵輿於道旁日晾轎

女家備送奩儀日過嫁妝及門主人盛服出迓揖讓而入待以賓禮婚日壻行親迎禮途遇井墓廟石障以氈婦入門向吉方降輿立弓矢於斗徧以紅氈鋪地直達寢室婦帕首胸負銅鏡立案右壻跪拜如儀前導婦抱寶瓶瓶置金銀五穀之屬又置鞍於門闌跨而過入房壻執秤竿揭帕行合卺禮並食水角日管小飯日中婦家戚黨至婦出堂同壻祀竈拜舅姑族黨姻戚畢婦家備酒席俾共食侑以鼓吹日管大飯繼娶前妻家亦如之晚食湯餅日長壽麪次日婦以女紅獻翁姑及尊長姻婭有差日散箱擇期同拜

祖墓繼姑嫜率新婦謁拜宗戚鄰里皆賜以佩戴之物女家贈嫁豐儉惟力是視嫁期親知各贈釵環陳設諸物曰添箱嫁前日送妝戚舊男婦各數人從曰新親妝奩厚者費用不貲嫁次日戚屬仍往曰裝枕頭數日延壻及女款以盛饌曰回門月後迎女曰住對月歸時以鍼黹分餽長幼此婚姻之大較也滿蒙舊俗不用婚書納聘曰壻必親至婦家謁婦父母及尊長謂之磕頭婦家酬以幣帛鍼黹文繡等物餘與民俗同唯結婚多在十歲內過期則以爲晚喪日先擇入殮之期及殃煞起落一切避忌曰開殃

榜合族成服三日親朋持香楮來弔喪家具飲食款之午後送靈於廟鼓樂前行次則儀仗僧道祭品扎彩又以紙繪爲冥具執刑杖捧香爐者各數人以青紗輿篋昇靈位男女孝服以從戚友亦至曰送三三或作山以其送葬於山也閱六日爲迎七仍用鼓樂備筵席姻舊咸集夕設祭於煙筒下合族哭拜曰上望嗣後每七日舉祭禮曰辦七俗好作佛事不惜鉅費以七七爲度擇期發引高建樓棚殯之前三日爲展弔門外設鼓樂列儀仗立銘旌親鄰皆至次日成主家祭延齒德爵者點主先日酬奠紙楮屏幃羽葆

之屬以多爲上殯日以十六人舁銘旌

結綵爲樓以六十

四人舁靈柩至先塋安葬日出大扛

一切儀節皆稱家之有無爲增

減葬後三日復往負土培墳曰圓墳事畢孝子踵謝

各親友百日周年祭拜培土於墓亦有餽送賻儀者此喪葬之大概也八旗舊風不奉木主亦無銘旌惟於院中立桿掛幡每日叩奠三次餘與民禮同

祭祀典禮滿洲最重一祭星一祭祖至春秋祭則前

一日以黍米

俗名黃米

煮熟搗作餅曰打饊薦享後以食

合族並親串以族人爲察瑪戴神帽繫裙搖鈴持鼓跳舞口誦吉詞眾人擊鼓相和曰跳家神及祭磨黃

米麪作小餅內實豆餡外裹蘇葉以之奉先日蘇子葉餽餽餘與春秋祭同惟蒙古祭品豬羊並用一切儀節亦與滿洲相似民間多因事故始刑牲祀神或先人誕辰忌日設祭於家鮮有立祠廟者

滿洲無論富貴士宦其內室必供奉神牌只一木版無字亦有用木龕者室之中西壁一龕北壁一龕凡室南向北向以西方爲上東向西向則以南方爲上龕設於南龕下有懸簾幃者俱以黃雲緞爲之有不以簾幃者北龕上設一椅椅下有木五形若木主之座西龕上設一杌杌下有木三春秋擇日致祭謂之

跳神其木則香盤也祭時以香末灑於木上燃之所
跳之神人多莫知相傳以爲祭祖按所奉之神首觀
世音菩薩次伏魔大帝次土地是以用香盤三也其
禮前期齋戒祭用豕必擇其毛純黑無雜色者及期
未明以豕置於神前主祭者捧酒尊而祝之畢以酒
澆豕耳豕動則吉否則復叩祝曰齊盛不潔與齋戒
不虔與或有不吉將牲未純與下至細事一一默祝
以牲動爲限卽於神前割牲豕熟按首尾肩脇肺心
列於俎各取少許置大銅盃名阿瑪尊肉供之行三
跪三獻禮主祭者前次以行輩序立婦女後之免冠

叩首有聲禮畢卽神前嘗所供阿瑪尊肉蓋受胙意
也至晚復獻牲如晨禮撤燈而祭名避燈肉其禮祭
神之肉不得出門其骨與狗狗所餘夜棄戶外亦有
焚爲灰而埋者惟避燈肉則以送親友云是日饗客
客食畢不謝唯初見時道賀而已客去亦不送

又祭桿置丈餘細木於牆院南隅置斗其上形如淺
椀祭之次日獻牲於杆前謂之祭天男子皆免冠拜
婦人則不與其斗中切豬腸及肺肚生置其中用以
飼烏每祭烏及鵲來食錫斗之上杆梢之下以豬之
喉骨橫銜之再祭時則以新易舊而火之祭之第三

日換鎖換鎖者換童男女脖子上所帶之舊鎖也其鎖以線爲之

燕會親賓近尙奢麗時節餽問之外復有賻喪賀婚祝壽諸禮他如懸額營宅亦皆受賀交際往來視昔繁重

八旗子弟讀書之外兼習騎射近復設局延師射鵠角勝俾技藝熟嫻以備三音哈哈之選

生子三日浴兒親友餽以雞子麵食曰送粥米主人作湯餅款之曰食喜麵彌月親友各攜金錢繡績兒飾相賀曰滿口主人仍備酒饌酬之百日作蒸食謂

可生發周晬列筆墨玩具於前令兒隨意檢取以觀志向往患痘類不治自設牛痘公局保全者多

立春前一日有司率屬迎勾芒春牛於東郊天壇行鞭春禮

元旦旗民於昧爽前盛服焚香祭祖禮神炸

聚爆竹爲之

爆鼓樂之聲徹夜不絕天明親友互相賀歲車馬絡繹

二日黎明商戶祀財神然炸爆院中建席棚祀天地神祇前植松樹二株或四或六不等皆高丈餘上貼桃符張設燈綵富家間亦爲之

六日商賈開市半日

十五日爲元宵節以粉糝祀祖先街市張燈三日金鼓喧闐燃冰燈放花爆陳魚龍曼衍高轎秧歌旱船竹馬諸雜劇是日男女出游填塞衢巷或步平沙謂之走百病或聯袂打滾謂之脫晦氣入夜尤多

二十五日爲添倉煮黍飯焚香楮祀倉廩曰祭倉鄉間尤甚

二月二日俗謂龍擡頭婦女忌鍼黹是日多食豬頭啖春餅

正二月內有女之家多架木打秋千曰打油干

清明日家無貧富必攜酒饌墓祭培墳土壓紅楮於馬鬣之前是日城隍出巡以肩輿昇神像至西關行宮童男女荷校跪迎道側悔罪祈福

三月三日城北元天嶺真武廟會演劇報賽嶺巔磚壁高丈餘寬八九尺中嵌白石象坎卦以鎮城中火災又是日爲仙人堂會又爲三皇廟會城鄉瞽者均往祭神不到者罰

十六日山神廟會各濩戶醵貲演戲山村具牲醴祀神者尤眾

二十八日東嶽廟會祀神演劇游人甚多

四月十八日東關娘娘廟會婦女焚香還願有獻神袍幔帳金銀斗替身人等物小兒七八歲每於此日留髮囑兒立凳上僧人以筯擊頂喝令急行不許回顧曰跳牆

二十八日北山藥王廟會男女出游演戲旁設茶棚食館尤眾婦女爲所親病許願由山麓一步一叩直造其巔游人挈酒榼聚飲林中興盡始返亦一盛會也

端陽節門戶懸蒲艾包角黍食糯米糕飲雄黃酒門楣掛葫蘆婦女以綵絲爲帚以五色緞製荷包葫蘆諸小物簪髻上或以布作虎繫兒肩皆除災辟疹之意龍潭山櫻桃熟士女渡江登覽備酒暢飲日暮方歸

十三日俗謂關帝單刀會北山廟演劇前一日俗謂磨刀期雖旱必雨

六月六日蟲王廟會各菜園備牲醴祭神祈年賽願是日多有曬衣曝書者

十九日觀音堂會各旗協領參領董其事演戲祀神旁設茶樓中建高棚以蔽炎日

二十四日北山關帝廟會演戲咸往登臨藉以消暑

七夕婦女陳瓜果以綵縷穿鍼乞巧

中元節男女祭奠會族人食餒餘北山作盂蘭會夜
燃燈徧置山谷燦若列星江中以船二載荷花燈燃
燈順流如萬朵金蓮浮於水面船僧唄經鐃鈸鼓吹
並作士民競視接踵摩肩是日昇城隍神出巡與清
明同

中秋節鮮果列市皆販自奉天醫巫閭山購以供月
戚友以月餅等物相餽是日合族聚食不出外曰過
團圓節

九月九日食菊花糕以麪合糖酥爲餅凡數層上黏

菊葉每層夾以果仁山查葡萄青梅諸物

又名九元
花糕

天嶺演戲士女登高其三皇廟仙人堂各會與上巳
同是月人家糊窗醃菜治竈多蓄白菜煮以沸水置
缸中以石壓之日久則味酸質脆爽若哀梨爲禦冬
之用

十七日財神誕辰供桃麪雞魚各商赴廟祭拜演劇
敬神觀者如堵

十月朔日展墓祀祖謂之送寒衣昇城隍神出巡與
中元節同開粥廠散棉衣以濟窮黎

十一月江冰沿江旅店因岸爲屋鑿冰立柵以集行

入市售獐狍鹿豕雉魚之屬居人購作度歲之饅並
爲餽禮

十二月八日諺稱臘八雜米合棗栗果仁煮粥亦有
食黍米飯者前數日功德院僧人沿門乞米謂化臘
八粥以食院中養濟所之窮民

二十三日夜祀竈神供餕飴放炸爆謂之過小年前
後數日家以肉糜裹麩作水角曰包角子以饅包麵
蒸饅曰蒸饽饽與魚肉穀蔬俱先儲備必足半月之
需

除日清晨千門萬戶氣象同新鼓樂沿門賀歲午後
列神主懸遺像設供祭拜並祀諸神炸炮之聲不絕
晚間內外燃燈親友交賀曰辭歲三更方罷人家有
未墓祭者是夜在巷口焚化冥資曰燒包袱嗣則合
族拜賀各分歲錢團聚飲食亦有終夜不寢者謂之
守歲

劉綸恭和

御製吉林土風雜詠十二首元韻

威呼 葦航不信詠葩經獨木真逾三板輕橫比龍
梭池乍躍挾疑馬阜陸堪行

剡木爲小舟剡木兩頭
爲槳左右按抑而行

廠邊老樹空腔影江上平波滑笏聲來往松花綠痕

剪膠杯小寓陋莊生

呼蘭

家家帶得雲霞氣

截木中空引炕

煙出之上覆荆

塹戶易熏先作計

尾焦莫訝孤桐刺眼密還編六枳頻陘上迎神司命

醉木居士合記分身

法喇

崢嶸霜雪利經過製備舟車互用多炙輶無

由聽轆轤推蓬有分見峩峩一夫雀啄身先挽數客

雞棲足免蹉

行冰雪中無車無輪俗呼扒犁

淨業湖頭尋好景冰牀

喚渡較如何

斐蘭 不須昔榦更膠絲閻史懸門小試之臂殼短

檠聊復爾腰橫大羽亦何為

以榆柳為小弓童而習之別刻荆蒿綴雉羽曰

鈕四方有志徵初服百戲俱陳誠誤兒窩集分明材

易給學箕不待教先施

賽斐 匠心一已始誰為不剝而廉適所宜

木七長四寸許

曲柄豐未兼匙杓之用

搏飯故應嫌手澤嚙羹兼恐累觀頤四

醢注液霞翻杓九牌抄香雪滑匙半擬陶匏微拗頸

古風常見席前時

額林 底誇鄴架與郇廚藏弄楣閒事事俱中霽何

會妨藻井承塵焉用飾雕觚

楣間橫板猶古度閣

儘教作供訛

龕象未遣投棲詫屋烏對此詞臣增健羨書倉僮處

省他圖

施函 合抱枵然詎不材剝中餘地見恢恢漢陰灌

甕深勞汲蜀國郭笮淺貯醅截大木為笮貯水釀酒皆用之漏義恆

河叅桶脫卮言宿海憶槎迴若虛自是天全質喬木

邠岐識厚培

拉哈 易著連茹詩詠絢誰云坊技賤還勞一絲不

掛謀誠淺百堵皆興構詎牢升木附塗良自便霑泥

敗絮豈相遭綴麻草堵間緣以施墁也南人未解綢繆意指點青

蓑晾壁高

霞縹 箕中揚簸釜邊塗司燔何煩束緼需以煉和膏傳蓬

梗為燭者膩恥魚膏驚懶婦枯憐木枿引光奴麻春棄覈

添新碧壁陣留煤認舊烏繼晷轉教薪代蠟可知奢

儉意懸殊

豁山 側理甯論錦水箋楮皮榮骨總稱便搗苧絮為紙堅

韞如韞千椎出日金花細百弓披簾玉版堅端合編韋

尊古柬那容覆瓿付時賢巘原舊俗多圖誌真蹟全

憑粉本傳

羅丹 投壺超距擅殊稱角采還從腕脫興雉叫盧

呼材已下麀驚鹿駭技常勝俗以麀鹿蹄腕骨隨手攤擲視偃仰橫側為勝

負四奇衍陣宜堆石其用薄圓石擊之則曰帕格雙隊爭衡好蹴

冰應笑井公無別譜區區瓦注敢程能

周斐 良工度木早留皮埏埴翻資紉緝為采樺皮以代覆

瓦體輕而工省 著屋霜雪紛似畫移居風雨便如碁茂樓未

占三間勝瓢室無踰十笏宜七月篇中歌入處補牋

端籍

御題知 盛京通志一百二十三

汪由敦恭和前題元韻

威呼 落葉浮漚匠意經剝來獨木體原輕憑教有

力趨能負好放中流穩獨行擊汰浪花翻雪色貫槎

星漢瀉風聲但容刀處看飛渡不待前溪新水生

呼蘭 浮煙曲突供炊便立木前榮入望均表宅便

疑封比戶熱中知復恥因人朝暉一縷氤氳起暮雨

千家點滴頻幾許翹薪供爨下條枚錯認此分身

法喇 層冰積雪慣經過深巷交衢立待多載弛負

擔裝磊磊行教叱馭儼峩峩當無自有車之用借用老子

語 忘折偏知屐易蹉漫比耕犁賦秧馬剏帷紅板較

如何

斐蘭 蒿矢榆弓控以絲左支右紉習安之勝衣便

勵蓬桑志佩鞞偏工穀率為舊俗羣師射雕手少成

爭羨宵馨兒挽強命中他年事百步千鈞待展施

賽斐 昭儉非關襲古爲授餐棘匕席端宜漫因借
箸前陳計從勸加餐笑解頤肥豨乳豚膏滿案芹香
雲子滑流匙誰教踵事增髹漆羅列金銀又一時
額林 無多長物出東廚度板依楣什襲俱大抵茗
甌兼棹篋那爭漢鼎更周觚落泥梁上妨巢燕映日
窗間轉相烏蛛網煙煤勤掃拂橫添四壁是新圖
施函 枵腹何曾棄不材能宏端取量中恢厚儲擔
石積升斗滿貯壑鹽醞醅穩置座隅憑取給移安
爨下幾巡迴田家老瓦盆堪並質素風宜奕世培
拉哈 斫藤綴壁擬宵綯百堵興時亦孔勞塗墍不

求工粉飾綢繆惟取得堅牢肯教剝落年時久更耐
橫斜雨雪遭若使續成圻者傳柳州命意未爲高
霞綳 熒煌列炬徧脂塗春鮓餘資秉燭需束縕有
光分里婦燎鬚無意責童奴增華絳蠟誇龍鳳繼晷
寒窗閱靄烏花綴玉蟲開四照濃煙甲煎未應殊
豁山 不數成都十樣箋蔡倫遺法頗稱便鋪來似
雪光能透障處無風質自堅制草白麻宣並相帖摹
繭紙慕羣賢金花蠟印原非貴楮氏淵源有正傳
羅丹 博奕猶賢聖所稱鹿麀骨戲故鄉興成驍壺
矢天爲笑呼轉梟盧技絕勝席上手翻温似玉座間

指撥瑩於冰莫言優劣紛無定智巧其中各擅能

周斐 梓材樸斲尙連皮棟宇垣墉樺木爲板屋詩

惟傳似玉竹樓記不數聽基茅茨儉德覃

王化陶復先型溯土宜舊社枌榆榮

睿思邠居經始

紹聞知同上

風俗總載

烏拉頗稱饒裕其市以銀布不以錢其居聯木爲柵

上覆以板復加以草牆壁亦以木爲之污泥其土地

極苦寒屋高僅丈餘獨開東南扉一室之內炕周三

面煨火其下寢食起居其上雖盛夏如京師八月時

地宜穀宜稷宜稗三月播種八月穫刈蓋三月之前

地凍未開八月以後隕霜殺草于耜與滌場時不過

四月有餘不施糞溉不加耕耨可足終歲之用土膏

肥沃可知扈從東巡
日錄下

虞村居人二千餘戶皆八旗壯丁夏取珠秋取蔘冬

取貂皮以給公家及王府之用男女耕作終歲勤動

亦有充水手拏舟漁戶捕魚或入山採樺皮者其食

甚鄙陋其衣富者不過羔裘紵絲細布貧者惟麤布

及貓犬獐鹿牛羊之皮間有以大魚皮爲衣者同上

五穀俱生惟無稻米四月初播種八月內俱收穫矣
農隙俱入山采樵以牛車載歸足來歲終年之用乃
止雪深冰凍則不用車因冰滑故用扒犁似車而無
輪仍駕牛在冰地上行速而且穩暇則采松子並取
火絨絨生於木瘦中取之可盈匊或開窰燒炭或伐
大樹作器用無瓦器其盞碟盆盥盤之屬俱以獨
木爲之油用蘇子油似紫蘇子亦有麻油稍貴無燭
點糠燈其製以麻梗爲本蘇子油查及小米糠拌勻
黏麻梗上曬乾長三四尺橫插木架上風吹不息不
知養蜜蜂有采松子者或采樵者於枯樹中得蜂窩

其蜜無數漢人教以煎熬之法始有蜜有蠟遇喜慶
事漢人自爲蠟燭滿洲人亦效之然無賣者大小人
家做黃齋湯每飯用調羹不用箸調羹曰差非又曰
匙子喫碗菜乃用箸箸曰义不哈碗曰麼樂出門者
腰帶必繫小刀匙子袋火鏟袋手帕等物小刀曰呼
什火鏟曰鴉他庫袋曰法挖手帕曰封枯甯古塔
紀略
甯古塔屋皆東南向立破木爲牆覆以莎草厚二尺
許草根當簷際若斬綯大索牽其上更壓以木蔽風
雨出瓦上開戶多東南土炕高尺五寸周南西北三
面空其東就南北炕頭作竈上下男女各據炕一面

夜卧南爲尊西次之北爲卑曉起則疊被褥置一隅覆以氈或青布客至共坐其中不相避西南窗皆如

炕大糊高麗紙寒閉暑開兩廂爲碾房爲倉房滿語曰哈

勢爲樓房用貯食物四面立木若城名曰障子以柵爲門或編

樺皮或以橫木廬舍規模無貴賤皆然惟有力者大

而整耳柳邊紀略

甯古塔臨江而居以木爲城地極寒八月卽雪度清

明冰乃解人勁勇重信義道無拾遺人不敢私鬪官

民相習獄無枉繫宛然有陶唐氏之風焉扈從東巡日錄下

其地寒苦自春初至三月終日夜大風如雷鳴電激

塵埃蔽天咫尺皆迷七月中有白鵝飛下便不能復

起不數日卽有濃霜八月中卽下大雪九月中河盡

凍十月地裂盈尺雪纔到地卽成堅冰雖白日照灼

不消初至者必三襲裘久居卽重裘可禦寒矣至三

月終凍始解草木尙未萌芽甯古塔紀略

甯古塔交易銀數不計奇零如至兩則不計分釐至

百十則不計錢分食用之物索於所有之家無勿與

直一兩以上者價之不則稱謝而已若有而匿不與

人或與而不盡則人皆鄙之柳邊紀略

俗不用銀錢銀則買僕婦田廬或用之錢則外夷來

貢時求作頭耳之飾至粟豆交易或鍼或綫或煙筒
大則布裕如也相見不揖從者皆坐坐以炕別每有
需則與之無則拒之不懟也受所與必思有以酬之
相遇必歉歉自道一酬卽泰一嚮酬布帛所不計矣

絕域
紀略

八旗之居甯古塔者多良而醕率不輕與漢人交見
士大夫出騎必下行必讓道老不荷戈者則拜而伏
過始起道不拾遺物物遺則拾之置於公俟失者往
認焉馬牛羊逸三日不歸則牒之公或五六月之久
尙能歸惟躡人田則責牧者罰其直雖章京家不免

馬同
上

百里往還不裹糧牛馬不攜粟草隨所投如舊主人
焉主人隨所供不責報亦無德色

同上

凡各村莊滿洲居者多漢人居者少凡出門不齎路
費經過之處隨意止宿人馬俱供給少陵所謂馬有
青芻客有粟也如兩人遠出少年者服事年長者二
人同行最幼者服事其稍長者亦公然坐而不動等
輩彼此稱呼曰阿哥有呼名者稱年高者曰馬發朋
友曰姑促父曰阿馬母曰葛娘大伯曰昂邦阿馬叔
曰曷克赤子曰濟女曰父而漢濟甥曰濟頒卽哈夫

曰愛根妻曰父而漢男人曰哈哈女人曰赫赫兄曰
阿烘弟曰多嫂曰阿什姊曰格格妹曰那小廝曰哈
哈朱子了頭曰父而漢朱子好曰山音不好曰曷黑
喫飯曰不打者夫喫肉曰煙立者夫喫酒曰奴勒惡
米喫燒酒曰阿而乞惡米讀書曰必帖黑呼辣米射
箭曰喀不他米書曰必帖黑筆曰非墨曰百黑紙曰
花傷硯曰硯洼金曰愛星銀曰蒙吾錢曰濟哈水曰
目克木曰本土曰鼈烘火曰托炭曰牙哈有曰畢無
曰阿庫是曰音喀不是曰洼喀富曰拜央窮曰呀打
人曰亞馬坐曰突立曰衣立行曰弗立米走曰鴉波

睡曰得多蜜去曰根唵蜜來曰朱要曰該蜜不要曰
該辣庫小曰阿郎格大曰昂邦買曰烏打蜜賣曰温
嗟蜜兩曰央一曰曷朮二曰朱三曰衣朗四曰對音
五曰孫查六曰佞我七曰那打八曰甲工九曰烏永
十曰壯百曰貪吾千曰銘牙萬曰土墨貂皮曰色克
人漫曰惡而訶打流人間有逃歸者人遇之亦不告
有追及者諱云自反亦不之罪大率信義爲重路不
拾遺頗有古風

甯古塔
紀略

凡臥頭臨炕邊腳抵窗無論男女尊卑皆並頭如足
向人則謂之不敬惟妾則橫卧其主腳後否則賤如

奴隸亦忌之頭不近窗者天寒窗際冰霜曉且盈寸
近窗衾裯亦爲寒氣所逼每不乾乃知頭臨炕邊亦
不得已近見炕皆外高內低覺更便但不甚闊人稍
長便須斜卧而絕無增廣之者柳邊紀略
房屋大小不等木料極大只一進或三間五間或有
兩廂俱用草蓋草名蓋房草極長細有白泥泥牆極
滑可觀牆厚幾尺然冬間寒氣侵人視之如霜屋內
南西北接繞三炕炕上用蘆席席上鋪大紅氈炕闊
六尺每一面長二丈五六尺夜則橫卧炕上必並頭
而卧卽出外亦然櫥箱被褥之類俱靠西北牆安放

有南窗西窗門在南窗之旁窗戶俱從外閉恐夜間
虎來易於撞進靠東邊間以板壁隔斷有南北二炕
有南窗卽爲內房矣無椅杌有炕桌俱盤膝坐客來
俱坐南炕無作揖打恭之禮相見惟執手送客垂手
略曲腰如久別乍晤彼此相抱復執手問安如幼輩
兩手抱其腰長者用手撫其背而已如以右手撫其
額點頭爲拜如跪而以手撫額點頭爲行大禮甯古塔紀略

滿洲有大宴會主家男女必更迭起舞大率舉一袖
於額反一袖於背盤旋作勢曰莽勢中一人歌眾皆

以空齊二字和之謂之曰空齊蓋以此爲壽也每宴
客坐客南炕主人先送煙次獻乳茶名曰奶子茶次
注酒於爵承以盤客年差長主長跪以一手進之客
受而飲不爲禮飲畢乃起客年稍長於主則亦跪而
飲飲畢客坐主乃起客年小於主則主立而酌客客
跪而飲飲畢起而坐與席少年欲酌同飲者與主客
獻酬等凡飲酒時不食飲已乃設油布於前名曰割
單卽古之單也進特牲以解手刀割而食之食已盡
賜客奴奴席地坐叩頭對主食不避

柳邊
紀略

俗尙齒不序貴賤呼年老者曰馬法馬法者漢言爺

爺也呼長者曰阿哥新歲卑幼見尊長必長跪叩首
尊長者坐而受之不爲禮首必四叩至三則跪而昂
首若聽命者然尊長者以好語祝之乃一叩而起否
則不起也少者至老者家雖貧必隅坐隨行出遇老
者於途必鞠躬垂手而問曰賽音賽音者漢言好也
若乘馬必下俟老者過老者命之乘乃敢避而乘宴
會必子弟進食行酒不以奴僕客受之亦不酢

同上

除夕幼輩必到長者家辭歲叩頭受而不答等輩同
叩元旦城門必嚴列旌旗弓矢以壯威武家家必於
半夜賀歲如遲至午便爲不恭矣

甯古塔
紀略

上元夜好事者輒扮秧歌秧歌者以童子扮三四婦女又三四人扮參軍各持尺許兩圓木屐擊相對舞而扮一持傘燈賣膏藥者前道旁以鑼鼓和之舞畢乃歌歌畢更舞達旦乃已

柳邊紀略

歲除必貼紅紙春聯聯貴四六歲易新句或與舊稍同則不樂

同上

清明掃墓富貴者騎馬乘車貧賤者將祭品羅列炕桌上女人戴於頭上而行雖行數里不用手扶而自不傾側卽平日米糧箱籠俱以頭戴

同上

有疾病用草一把懸於大門名曰忌門雖親友探望

只立於門外問安而去

甯古塔紀略

婚姻擇門第相當者先求年老爲媒將允則男之母徑至女家視其女與之簪珥布帛女家無他辭男之父乃率其子至女之姻戚家叩頭姻戚家亦無他辭乃率其子姓羣至女家叩頭金志所謂男下女禮也女家受而不辭辭則猶未允也旣允之後然後下茶請筵席此男家事也女家惟賠送耳結婚多在十歲內過期則以爲晚

柳邊紀略

遇婚喪喜慶等事無緘帖無鼓樂無男女僮相訂婚時父率子同媒往拜婦之父母次日女之父亦同媒

答拜行聘名曰下茶俱用高桌上鋪紅氈茶果綉緞
布疋仍用盤放桌上多至數十桌貧富不等羊酒必
需嫁時妝奩如箱匣鏡臺被褥之類亦置高桌上兩
人扛之娶親用轎車仍挂紅綠綉婦入門只拜公姑
無交拜禮如漢人請親戚扶新人行禮滿洲人家喜
筵宴客飲至半酣時婦女俱出進酒以大碗滿斟跪
於地奉勸俟飲盡乃起生子滿月下搖車其製以篩
板圈做兩頭每頭兩孔以長皮條穿孔內外用彩畫
並懸響鈴之類內墊薄板懸於梁上離地三四尺用
帶縛定小兒使不得動哭則乳之不已則搖之口念

巴不力喪事將入殮其夕親友俱集名曰守夜終夜
不睡喪家盛設相待俟斂後方散七七內必殯父母
之喪一季而除以不雉頭為重甯古塔紀略

糠燈俗名蝦棚以米糠和水順手黏麻稽逆手黏則不可燃

曬乾長三尺餘插架上以三歧木為架鑿空其端橫糠燈於中或木牌

削木牌鑿數眼於上懸之梁下光與燭等柳邊紀略

扒犁土人曰法喇以木為之犁有駕車而無輪轆長
而輓雪中運木者也駕以牛同上

煙囪多以完木之自然中虛者為之久之碎裂則護
以泥或藤縛之土人呼為摩訶郎同上

童子相戲多剔麀麇麋鹿前骹前骨以錫灌其竅名
噶什哈或三或五堆地上擊之中者盡取所堆不中
者與堆者一枚多者千少者十百各盛於囊歲時閒
暇雖壯者亦爲之同上

凡大小人家庭前立木一根以此爲神逢喜慶疾病
則還願擇大豬不與人爭價宰割列於其下請善誦
者名義馬向之念誦家主跪拜畢用零星腸肉懸於
木竿頭將豬肉頭足肝腸收拾極淨大腸以血灌滿
一鍋煮熟請親友列炕上炕上不用桌鋪設油單一
人一盤自用小刀片食不留餘不送人如因病還願

病不能愈卽將此木擲於郊外以其不靈也後再逢
喜慶疾病則另樹一木有跳神禮每於春秋二時行
之半月前釀米兒酒如酒釀味極甜磨粉作饊饊有
幾種皆略用油煎必極其潔淨豬羊雞鵝畢具以當
家婦爲主衣服外繫裙裙腰上周圍繫長鐵鈴百數
手執紙鼓敲之其聲鏗鏘然口誦滿語腰搖鈴響以
鼓接應旁更有大皮鼓數面隨之敲和必向西向炕
上設炕桌羅列食物上以線橫牽線上挂五色綉條
自早至暮日跳三次凡滿漢相識及婦女必盡相邀
三日而止以祭餘相餽遺

甯古塔
紀略

滿人有病必跳神亦有無病而跳神者富貴家或月一
一跳或季一跳至歲終則無有弗跳者未跳之先樹
丈餘細木於牆院南隅置斗其上謂之曰竿祭時著
肉斗中必有烏來啄食之謂爲神享跳神者或用女
巫或用豕婦以鈴繫臀後搖之作聲而手擊鼓鼓以
單牛皮冒鐵圈有環數枚在柄且擊且搖其聲索索
然而口致頌禱之詞詞不可辨禱畢跳躍旋轉有老
虎回回諸名色供祭者豬肉及飛石黑阿峰飛石黑
阿峰者黏穀米餅也色黃如玉質膩糝以豆粉蘸以
蜜跳畢以此徧餽鄰里親族而肉則拉入於家食之

以盡爲度不盡以爲不祥

柳邊紀略

跳神猶之乎祀先也率女子爲之頭帶如兜鍪腰繫
裙纍纍帶諸銅鐵搖曳之有聲口喃喃鼓嘈嘈以竿
縮細布片於炕而縛一豕以酒灌其耳與鬣耳鬣動
卽吉手刃之取其腸胃而手拚之亦有吉凶兆女子
韶秀者亦如歌舞狀老則厭男子更厭矣馬神則牽
馬於庭中以紅綠布帛絲繫其尾鬣而喃喃以祝之
云跳畢則召諸親戚啖生肉酌以米兒酒盡醉飽不
許懷而出其戶曰神怒也

絕域紀略

伊車滿洲居混同江之東地方二千餘里無君長統

屬散居山谷間其人勇悍善騎射喜漁獵耐饑寒苦
辛騎上下崖壁如飛每見野獸蹤跡躡而求之能得
潛藏之所又剝木爲舟長可丈餘形如梭子呼爲威
忽施兩頭槳捕魚江中往來如駛扈從東
巡日錄
衣朗哈喇東北五六百里爲呼兒喀又六百里爲黑
斤又六百里爲非牙哈總名烏稽其人最喜大紅盤
金蟒袍及各色錦片妝緞其所衣魚皮極軟熟可染
成五色糯米珠並銅錢響鈴縫於衣旁行動有聲彼
此稱呼曰安答黑斤人留髮梳髻耳垂大環四五對
鼻穿小銀環所產貂皮爲第一富者多以雕翅蓋屋

貂皮爲帳爲裘元狐爲帳狐貉爲被褥非牙哈亦留
髮男婦不著褲耳垂大環鼻穿小環所產貂皮略次
以樺皮爲船止容一人用兩頭槳如出海捕魚則負
至海邊置水中遇風便歸呼兒喀則雜頭男人帶環
者少所產貂鼠爲次惟黃狐黃鼠魚肉乾頗佳此三
處俱無官長約束爲人愚而有信義有與店家賒紬
緞蟒服者店主擇黑貂一張爲樣約來年照樣還若
于至次年必照樣還清有他故亦必託人寄到相去
千里又非舊識而不爽約如此甯古塔
紀略
三姓在吉林東北距省一千二百里再北爲黑河口

距三姓亦一千二百里松花黑龍二江之水同入此口而北流入海左爲松花其色白右屬黑龍其色黑黑者較白者每斤重四兩兩水匯流而不相混爲足異焉河口東西一帶爲赫哲部落亦曰黑金俗以其人食魚鮮衣魚皮呼爲魚皮達子其地縱橫三千餘里而東西橢長山嶺迴環林木叢雜河水分流縈繞多難詳紀其名其部落無酋長統轄亦無文字人各山居野處無歷書每至河冰開後見河中有搭巴哈魚過方知爲一年不畜牛馬豕羊惟犬最驍猛且善捕捉性戇誠勇健而能有忍絕無忿戾爭鬪之風無

廬舍以木爲架覆以茅或蓋以樺皮四周亦以木皮裹之大如一間屋而數口棲聚於中謂之曰磋落居無定處或一月一遷或終歲數遷如移動則男婦四五人負之而去人家無貧富相懸者有酒三二百斤貯囊中或有皮樓三四座便稱富戶皮樓者以椽爲架高如屋打獲野獸剝肉食之而晾其皮於上其家男子則閑居安處操作皆以婦女任之至貧苦者則男婦齊力服勞其男無論老幼皆嗜酒酒產吉林境內道遠難運故其價至此而愈昂其地土性寒漿春晚霜早不產五穀春夏取河魚爲食秋冬捕野獸爲

食魚乾鹿肉家家堆積爲糧焉衣服用布帛者十無一二寒時著狍鹿皮煖時則以熟成魚皮製衣服之客人販布於此每疋可換貂皮一二張故不常服用至魚皮熟成則輒如棉薄而且堅又婦女善製荷包腰褙及蹋蹋馬等物俱用魚皮縫就鑲以雲捲染成紅綠色亦鮮明其人家婚娶離女家或數里或數十里不等婿自棹小船一葉沿流往女家親迎女之母隨女同來過三日接女與婿返其家留住一月始送歸自此則不相聞問卽有時相遇亦疏如路人矣父母死以白布縫長枕又作白簟合家守哭哭甚哀逾

七日服滿而除其小兒甫落胎卽取冷水洗之過滿月雖嚴冬亦如此謂長大能耐寒產婦分娩後卽操作如常亦不生疾病婦女俱好裝飾頭上編髮爲羣辮四圍盤繞復以紅繩纏之其中亦多有美麗者惟兩足常跣服長衣拖地邊幅皆釘以海貝匾螺或銅錢舉步卽錚鏦有聲以爲美飾其地夏無酷暑然人常以魚腥爲食胃火最盛故至六七月間則身熱如焚時浴於河以解之其尋常炊爨用茅草材木雖多不肯砍伐留刻其祖宗之像截木長尺許其上刻圓如頭顱劃成眉目略似人形置於礎落犄角處多有

十餘枚者其家爭呼之爲祖宗年久多著靈異如過客誤犯則立患青盲數日成瞽廢雖禱無效一年數祭祖祭時惟以一鹿而已其器物少瓦缶多剗木爲之或縫木皮爲筐篋亦精緻可觀其渡水之舟曰撥子俗名大紅船剗樺木皮縫作雞卵形而平其底長六尺餘只可容二人一人坐於中一人前立搖楫一日可行數百里惟乘舟者須兩手扶背常持撥舟者之脛乃保無虞否則傾側落水不及撈救矣其捕獸之器曰蹋板赫哲地濱北海天氣早寒重陽後卽落雪花迨十月則徧地平鋪可深數尺士人以木板長

五尺貼縛兩足跟手持長竿如泊舟之狀划雪上前進則板乘雪力瞬息可出十餘里雪中乏食則野獸往來求食多留其跡凡逐貂鼠各獸十無一脫運轉自如雖飛鳥有不及也其引重之器曰狗爬犁形如小車而無輪以細木性輒者削兩轅前半翹起上彎後半貼地處置四柱與四匡鋪之以板如運重物則於上彎處駕犬二人在上以鞭揮之其速逾於奔驥男女年十一二歲其父母卽教以燃槍捕獸故槍法精絕擊物有準凡商販於此者路旁無旅店惟尋磋商投宿焉其人氣體健壯自來不發痘疹然發則難

治間有小兒忽出天花則父母輒棄而他徙蓋恐爲其傳染耳鄰省官役有事過此派其土人執役謂之孤官令負重撥舟奉命惟謹或稍有違怠雖痛撻無怨其俗最以中上爲尊分上下邦見老者呼爲爺爺少壯者呼爲叔叔卽商旅販易者亦許孤官供驅使使之且極恭順凡三姓旗丁民人年年來此貿易謂之換黑金利可數倍而所販不過食用零星各物其中惟脂粉紅繩尤多以俗皆好裝飾婦人也每人一名於每年貢貂皮一張每於仲冬將軍派員就近前往賜宴用木几長排兩行每人燒酒一壺鹽豆一器

以示懷遠之恩其人叩頭起立飲畢歡呼再叩頭謝

恩始各散去

李重生赫哲風土記

風俗附載

漢

東夷率皆土著烹飲酒歌舞或冠弁衣錦器用俎豆

後漢書一百十五

夫餘其人麤大彊勇而謹厚不爲寇鈔食飲用俎豆會同拜爵洗爵揖讓升降以臘月祭天大會連日飲食歌舞名曰迎鼓是時斷刑獄解囚徒有軍事亦祭天殺牛以踧占其吉凶行人無晝夜好歌吟音聲不

絕同上

挹婁處於山林之間土氣極寒常爲穴居以深爲貴
大家至接九梯好養豕食其肉衣其皮冬以豕膏塗
身厚數分以禦風寒夏則裸袒以尺布蔽其前後其
人臭穢不潔作厠於中圍之而居同上

東沃沮人性質直彊勇言語飲食居處衣服有似句
驪北沃沮俗皆與南同上

濊人不相盜無門戶之閉婦人貞信飲食以籩豆者
舊自謂與句驪同種言語法俗大抵相類其人性愚
慤少嗜欲不請句男女皆衣曲領其俗重山川山川

各有部界不得妄相干涉同姓不婚多所忌諱疾病
死亡輒捐棄舊宅更造新居知種麻養蠶作錦布曉
候星宿豫知年歲豐約常用十月祭天晝夜飲酒歌
舞名之爲舞天又祠虎以爲神邑落有相侵犯者輒
相罰責生口牛馬名之爲責禍殺人者償死少寇盜

同上
魏

夫餘以殷正月祭天在國衣尙白白布大袂袍袴履
革鞞出國則尙繒繡錦罽大人加狐狸沈白黑貂之
裘以金銀飾帽譯人傳辭皆跪手據地竊語行道晝

夜無老幼皆歌通日聲不絕有軍事亦祭天殺牛觀

蹠以占吉凶蹠解者為凶合者為吉其死夏月皆用

冰殺人殉葬多者百數厚葬有棺無槨三國志三十

東沃沮言語與句麗大同時時小異同上

挹婁其人形似夫餘言語不與夫餘句麗同同上

濊自謂與句麗同種其人性愿慤少嗜欲有廉恥言

語法俗大抵與句麗同衣服有異同上

晉

夫餘人強勇會同揖讓之儀有似中國其出使乃衣

錦罽以金銀飾腰其法殺人者死没入其家盜者一

責十二男女淫婦人妬皆殺之若有軍事殺牛祭天

以其蹠占吉凶蹠解者為凶合者為吉死者以生人

殉葬有棺無槨其居喪男女皆衣純白婦人著布面

衣去玉珮晉書九十七

肅慎氏居深山窮谷其路險阻車馬不通夏則巢居

冬則穴處父子世為君長無文墨以言語為約有馬

不乘但以為財產而已無牛羊多畜豬食其肉衣其

皮績毛以為布無井竈作瓦鬲受四五升以食坐則

箕踞以足挾肉而啖之得凍肉坐其上令暖俗皆編

髮以布作襜徑尺餘以蔽前後將嫁娶男以毛羽插

女頭女和則持歸然後致禮聘之同上

後魏

勿吉其地下濕築城穴居屋形似塚開口於上以梯出入其國無牛有車馬佃則偶耕車則步推有粟及麥稌菜則有葵水氣鹹凝鹽生樹上亦有鹽池多豬無羊嚼米醞酒飲能至醉婦人則布裙男子豬犬皮裘頭插虎豹尾魏書一百豆莫婁其人士著有宮室倉庫多山陵廣澤於東夷之域最為平敞地宜五穀不生五果其人長大性彊勇謹厚不寇抄飲食亦用俎豆有麻布衣制類高麗

而幅大其國大人以金銀飾之同上

隋

靺鞨地卑濕築土如堤鑿穴以居開口向上以梯出入相與偶耕土多粟麥稌水氣鹹生鹽於木皮之上其畜多豬嚼米為酒飲之亦醉婦人服布男子衣豬

狗皮人皆射獵為業隋書八十一

唐

靺鞨最處北方尤稱勁健每恃其勇恆為鄰境之患俗皆編髮性凶悍無憂戚貴壯而賤老無屋宇並依山水掘地為穴架木於上以土覆之狀如中國之塚

墓相聚而居夏則出隨水草冬則入處穴居父子相承世爲君長俗無文字兵器有角弓及楛矢其畜宜豬富人至數百口食其肉而衣其皮死者穿地埋之

以身襯土無棺斂之具殺所乘馬於尸前設祭

舊唐書一

百九十九下 渤海靺鞨風俗與高麗同頗有文字及書記

同上

黑水靺鞨人勁健善步戰常能患它部俗編髮綴野豕牙插雉尾爲冠飾自別於諸部性忍悍善射獵無憂戚貴壯賤老居無室廬負山水坎地梁木其上覆以土如邱塚然夏出隨水草冬入處死者埋之無棺

槲殺所乘馬以祭其酋曰大莫拂瞞咄世相承爲長

無書契其矢石鏃長二寸蓋楛弩遺法畜多豕無牛

羊有車馬田耦以耕車則步推

唐書二百十九

渤海靺鞨俗與高麗略等

同上

高麗王服五采以白羅製冠革帶皆金釵大臣青羅冠次絳羅珥兩鳥羽金銀雜釵衫笏褱袴大口白韋帶黃革履庶人衣褐戴弁女子首巾幘俗喜奕投壺蹙鞠食用邊豆簋簋罍洗居依山谷以草茨屋惟王宮官府佛廬以瓦窰民盛冬作長坑煨火以取煖服父母喪三年兄弟踰月除俗多淫祠祀靈星及日箕

子可汗等神國左有大穴有神隧每月王皆自祭
人喜學至窮里厠家亦相矜勉衢側悉構嚴屋號局
堂子弟未婚者曹處誦經習射

唐書二十

渤海知書契習識古今制度號為海東盛國

文獻通考

黑水靺鞨最處北尤勁悍無文字之記其兵角弓楛

矢

五代史記七十三

遼

契丹五節度熟女真部族皆雜處山林尤精弋獵有
屋居舍門皆於山牆下闢之耕鑿與渤海人同無出

租稅

契丹國志二十二

熟女真國居民皆雜處山林耕養屋宇與五節度熟
女真同然無君長首領統押精於騎射今古以來無
有盜賊詞訟之事任意遷徙多者百家少者兩三家
而已

同上

生女真居民屋宇耕養言語衣裝與熟女真國並同

亦無君長所管精於騎射

同上

屋惹國阿里眉國破骨魯國等國每國各一萬餘戶
西南至生女真國界衣裝耕種屋宇言語與女真人
異契丹樞密院差契丹或渤海人充逐國節度使管
押然不出征賦兵馬每年惟貢進大馬蛤珠青鼠皮

貂鼠皮膠魚皮蜜蠟之物及與北番人任便往來買

賣

同上

鐵离國居民言語衣裝屋宇耕養稍通阿里眉等國無君長皆雜處山林不屬契丹統押亦不與契丹爭戰復不貢進惟以大馬蛤珠鷹鶻青鼠貂鼠等皮膠魚皮等物與契丹交易

同上

靺鞨國無君長統押微有耕種春夏居屋室中秋冬則穿地爲洞深可數丈而居之以避其寒不貢進契丹亦不爭戰惟以鷹鶻鹿細白布青鼠皮銀鼠皮大馬膠魚皮等與契丹交易

同上

距契丹國東至於海有鐵甸又東女真善射多牛鹿野狗其人無定居行以牛負物遇雨則張革爲屋常作鹿嗚呼鹿而射之食其生肉能釀糜爲酒

契丹國志二十

五

盟熱者國部落雜處以其族類之長爲千戶統之契丹貴游子弟及富家兒月夕被酒則相率攜樽馳馬戲飲其地婦女聞其至多聚觀之間令侍坐與之酒則飲亦有起舞歌謳以侑觴者邂逅相契調謔往反卽載以歸婦之父母知亦不之顧留數歲有子始具茶食酒數車歸甯謂之拜門因執子壻之禮

契丹國志二十

混同江之地

二字依滿洲源流考增

其俗剝木為舟長可八尺

形如梭曰梭船上施一槳止以捕魚至渡車則方舟

或三舟

契丹國志二十七

金

女真冬極寒多衣皮雖得一鼠亦禡皮藏之皆以厚

毛為衣非入室不撤稍薄則墮指裂膚盛夏如中國

十月

北盟會編三

其人則耐寒忍饑不憚辛苦食生物勇悍不畏死善

騎上下崖壁如飛濟江不用舟楫浮馬而渡精射獵

每見野獸之蹤能躡而摧之得其潛伏之所以樺皮

為角吹作呦呦之聲呼麋鹿射而啖之但存其皮骨

同上

其俗依山谷而居聯木為柵屋高數尺無瓦覆以木

板或以樺皮或以草綢繆之牆垣籬壁率皆以木門

皆東向環屋為土牀熾火其下與寢食起居其上謂

之炕以取其煖奉佛尤謹以牛負物或鞍而乘之遇

雨多張牛革以為禦

同上

其衣服則衣布好白衣短而左衽婦人辮髮盤髻男

子辮髮垂後耳垂金銀留腦後髮以色絲繫之富者

以珠玉爲飾衣墨裘細布貂鼠青鼠狐貉之衣貧者
衣牛馬豬羊貓蛇犬魚之皮同上

其飯食則以糜釀酒以豆爲醬以半生米爲飯漬以
生狗血及葱韭之屬和而食之芼以蕪荑食器無瓠
陶無碗筋皆以木爲盤春夏之間止用木盆注元粥缺

隨人多寡盛之以長柄小木杓子數柄迴環共食下
粥肉味無多品止以魚生獐生間用燒肉冬亦冷飲
卻以木櫟盛飯木盆盛羹下飯肉味與下粥一等飲
酒無算只用一木杓子自上而下循環酌之炙股烹
脯以餘肉和菜擣臼中糜爛而進率以爲常同上

其禮則拱手退身爲喏跪右膝蹲左膝著地拱手搖
肘動止於三爲拜同上

其言語則謂好爲感或爲寒痕謂不好爲辣撒謂酒
爲勃蘇謂拉殺爲蒙山不屈花不辣謂敲殺曰蒙霜
特姑又曰霑勃辣駭夫謂妻爲薩那罕妻謂夫爲愛

根同上
其節序元日則拜日相慶重午則射柳祭天其人不
知紀年問之則曰吾見青草幾度以草一青爲一歲

同上
其歌則有鷓鴣之曲但高下長短鷓鴣一聲而已同上

其疾病則無醫藥尙巫祝病則巫者殺豬狗以禳之
或車載病人至深山大谷以避之其死亡則以刃斃
額血淚交下謂之送血淚死者埋之而無棺槨貴者
生焚所寵奴婢所乘鞍馬以殉之所有祭祀之物盡
焚之謂之燒飯同上

其道路則無旅店行者息於民家主人初則拒之拒
之不去方具飲食而納之苟拒而去則餘家無復納
者矣同上

其市易則惟以物博易無錢無蠶桑無工匠舍屋車
帳往往自能爲之同上

其法律吏治別無文字刻木爲契謂之刻字賦歛調
度皆刻箭爲號事急者三刻之同上

女真人勇悍善騎射喜耕種好漁獵稅賦無常隨用
度多寡而斂之多以牛驢負物遇雨則張牛革以禦
之緩則射獵急則戰鬪宗室皆謂之郎君事無大小
皆屬焉大金國志三十九

金俗好衣白辮髮垂肩與契丹異垂金環留顛後髮
繫以色絲富人用珠金飾婦人辮髮盤髻亦無冠自
滅遼侵宋漸有文飾婦人或裹逍遙巾或裹頭巾隨
其所好至於衣服尙如舊俗土產無桑蠶惟多織布

貴賤以布之粗細爲別又以化外不毛之地非皮不可禦寒所以無貧富皆服之富人春夏多以紵絲綿紬爲衣裳亦間用細布秋冬以貂鼠青鼠狐貉皮或羔皮爲裘或作紵絲四袖貧者春夏並用布爲衣裳秋冬亦衣牛馬豬羊貓犬魚蛇之皮或獐鹿皮爲衫袴襪皆以皮至婦人衣白大襖子下如男子道服裳曰錦裙去左右各闕二尺許以鐵條爲圈裏以繡帛上以單裙籠之同上

金人舊俗多指腹爲婚姻旣長雖貴賤殊隔亦不可渝婿納幣皆先期拜門親屬偕行以酒饌往少者十餘車多至十倍飲客佳酒則以金銀旒貯之其次以瓦旒列於前以百數賓退則分餉焉先以烏金銀杯酌飲貧者以木酒三行進大軟指小軟指如中國寒具次進蜜餠人各一盤曰茶食宴罷富者淪建茗留上客數人啜之或以粗者煎乳酪婦家無大小皆坐炕上婿黨羅拜其下謂之男下女禮畢婿牽馬百匹少者十匹陳其前婦翁選子姓之別馬者視之好則留不好則退留者不過什二三或皆不中選雖婿所乘亦以充數大抵以留馬少爲恥女家亦視其數而厚薄之一馬則報衣一襲婿皆親迎旣成婚留於婦

家執僕隸役雖行酒進食皆躬親之三年然後以婦
歸婦用奴婢數十戶牛馬數十羣每羣九牝一牡以
資遣之同上

女真舊絕小正朔所不及自興兵以後寢染華風帥
將生朝皆自擇佳辰粘罕以正旦兀室以元夕烏拽
馬以上已國主直以七夕矣其他如重午重九中秋

中元下元四月八日皆然大金國志十二

黃龍府為契丹東寨當契丹強盛時虜獲異國人則
遷徙雜處於此南有渤海北有鐵離吐渾東南有高
麗靺鞨東有女真室韋東北有烏舍西北有契丹回

紇黨項西南有奚故此地雜諸國風俗凡聚會處諸
國人語言不能相通曉則各為漢語以證方能辨之

北盟會編二十
引奉使行程錄

涑流河五里至句孤寨自此以東散處原隰間盡女
真人更無異族無市井買賣不用錢惟以物相貿易

同上

黑水舊俗無室廬負山水坎地梁木其上覆以土夏
則出隨水草冬則入處其中遷徙不常獻祖乃徙居
海古勒水耕墾樹藝始築室有棟宇之制人呼其地
為額訥格爾原作葛里納額訥格爾者漢語居室也金史世紀

金因遼舊俗以重午中元重九日行拜天之禮重五於鞠場中元於內殿重九於都城外其制刻木爲盤如舟狀赤爲質畫雲鶴文爲架高五六尺置盤其上薦食物其中聚宗族拜之若至尊則於常武殿築臺爲拜天所重五日質明陳設畢百官班俟於毬場樂亭南皇帝靴袍乘輦宣徽使前導自毬場南門入至拜天臺降輦至褥位皇太子以下百官皆詣褥位宣徽贊拜皇帝再拜上香又再拜排食拋蓋畢又再拜飲福酒跪飲畢又再拜百官陪拜引皇太子以下先出皆如前導引皇帝回輦至幄次更衣行射柳擊毬之戲亦遼俗也金因尙之凡重五日拜天禮畢插柳毬場爲兩行當射者以尊卑序各以帕識其枝去地約數寸削其皮而白之先以一人馳馬前導後馳馬以無羽橫鏃箭射之旣斷柳又以手接而馳去者爲上斷而不能接去者次之或斷其青處及中而不能斷與不能中者爲負每射必伐鼓以助其氣已而擊毬各乘所常習馬持鞠杖杖長數尺其端如偃月分其眾爲兩隊共爭擊一毬先於毬場南立雙桓置板下開一孔爲門而加網爲囊能奪得鞠擊入網囊者爲勝或曰兩端對立二門互相排擊各以出門爲勝

毬狀如小拳以輕鞞木枒其中而朱之皆所以習躑

捷也既畢賜宴歲以爲常

金史禮志八

收國元年五月甲戌拜天射柳故事五月五日七月

十五日九月九日拜天射柳歲以爲常

金史太祖紀

承安五年五月戊午敕重午拜天服公裳者拜禮仍

舊諸便服者并用女直拜

金史章宗紀三

大定十三年上謂宰臣曰會甯乃國家興王之地自海陵遷都永安女直人寢忘舊風朕時嘗見女直風俗迄今不忘今之燕飲音樂皆習漢風蓋以備禮也非朕心所好東宮不知女直風俗第以朕故猶尙存

之恐異時一變此風非長久之計甚欲一至會甯使

子孫得見舊俗庶幾習效之

金史世宗紀中

上御睿思殿命歌者歌女直詞顧謂皇太子及諸王曰朕思先朝所行之事未嘗暫忘故時聽此詞亦欲令汝輩知之汝輩自幼惟習漢人風俗不知女直純實之風至於文字語言或不通曉是忘本也汝輩當體朕意至於子孫亦當遵朕教誡也

同上

十四年詔明安穆昆之民今後不許殺生祈祭若遇節辰及祭天日許得飲會自二月一日至八月終並禁絕飲燕亦不許赴會他所恐妨農功雖閒月亦不

許痛飲犯者抵罪可徧諭之又命應衛士有不閑女直語者並勒習學仍自後不得漢語

同上

上與親王宰執從官從容論古今興廢事曰經籍之興其來久矣垂教後世無不盡善今之學者既能誦之必須行之然知而不能行者多矣苟不能行誦之何益女直舊風最爲純直雖不知書然其祭天地敬親戚尊者老接賓客信朋友禮意款曲皆出自然其善與古書所載無異汝輩當習學之舊風不可忘也

同上

以渤海舊俗男女婚娶多不以禮必先攘竊以奔詔

禁絕之犯者以姦論

同上

二十四年上曰朕將往上京念本朝風俗重端午節

比及端午到上京則燕勞鄉閭宗室父老

金史世宗紀下

上謂宰臣曰今時之人有罪不問既過之後則謂不

知有罪必責則謂每事尋罪風俗之薄如此不以文

德感之安能復於古也卿等以德輔佐當使復還古

風

同上

二十五年四月幸上京宴宗室於皇武殿飲酒樂上諭之曰今日甚欲沈醉此樂不易得也昔漢高祖過故鄉與父老歡飲擊筑而歌令諸兒和之彼起布衣

尙且如是況我祖宗世有此土今天下一統朕巡幸至此何不樂飲於時宗室婦女起舞進酒畢羣臣故老起舞上曰吾來故鄉數月矣今迴期已近未嘗有一人歌本曲者汝曹來前吾爲汝歌乃命宗室子敘坐殿下者皆上殿面聽上歌曲道祖宗勦業艱難及所以繼述之意上旣自歌至慨想祖宗音容如覩之語悲感不復能成聲歌畢泣下數行右丞相元忠暨羣臣宗戚捧觴上壽皆稱萬歲於是諸老人更歌本曲如私家相會暢然歡洽上復續調歌曲留坐一更極歡而罷其辭曰猗歟我祖聖矣武元誕膺明命功

光於天拯溺救焚深根固蒂克開我後傳福萬世無何海陵淫昏多罪反易天道荼毒海內自昔肇基至於繼體積累之業淪胥且墜望戴所歸不謀同意宗廟至重人心難拒勉副樂推肆子嗣緒二十四年兢業萬幾億兆庶姓懷保安綏國家閒暇廓然無事乃眷上都興帝之第屬茲來游惻然予思風物減耗殆非昔時于鄉于里皆非初始雖非初始朕自樂此雖非昔時朕無異視瞻戀慨想祖宗舊宇屬屬音容宛然如睹童孺慕歷歷其處壯歲經行恍然如故舊年從游依稀如昨歡誠契闊旦暮之若吁嗟闊別兮

云胡不樂

金史樂志上

二十六年以親軍完顏齊諾

原作奇納

言制明安穆昆皆

先讀女直字經史然後承襲因曰但令稍通古今則

不肯爲非爾

金史世宗紀下

上言國初風俗淳儉居家惟布衣非大會賓客未嘗

輒烹羊豕朕嘗念當時節儉之風不欲妄費

同上

諭有司女直人及百姓不得用網捕野物及不得放

羣鵬枉害物命亦恐女直人廢射也

金史章宗紀一

金人之常服四帶巾盤領衣烏皮靴其束帶曰陶罕

巾之制以阜羅若紗爲之上結方頂折垂於後頂之

下際兩角各綴方羅徑二寸許方羅之下各附帶長

六七寸當橫額之上或爲一縮襍積貴顯者於方頂

循十字縫飾以珠其中必貫以大者謂之頂珠帶旁

各絡珠結綬長半帶垂之其衣色多白三品以阜窄

袖盤領縫掖下爲襍積而不缺袴其胸臆肩袖或飾

以金繡其從春水之服則多鶻捕鵝雜花卉之飾其

從秋山之服則以熊鹿山林爲文其長中骭取便於

騎也陶罕玉爲上金次之犀象骨角又次之鍔用鞋

小者間置於前大者施於後左右有雙蛇尾納方束

中其刻琢多如春水秋山之飾左佩牌右佩刀刀貴

鑲鐵柄尙雞舌木黃黑相半有黑雙距者爲上或三
事五事室飾以醬瓣樺釧口飾以鮫或屑金鍮和漆
塗鮫隙而礮平之醬瓣樺者謂樺皮斑文色殷紫如
醬中豆瓣也產其國故尙之

金史輿服志下

金之拜制先袖手微俯身稍復卻跪左膝左右搖肘
若舞蹈狀凡跪搖袖下拂膝上則至左右肩者凡四
如此者四跪復以手按右膝單跪左膝而成禮國言
搖手而拜謂之禪珠喇

金史禮志八

元

碩達勒達女直人皆仍舊俗無市井城郭逐水草爲

居以射獵爲業故設官牧民隨俗而治

元史地理志二

性剛果善騎射

盛京通志引元一統志

俗有狗車木馬輕捷之便狗車形如船以數十狗拽
之往來遞運木馬形如彈弓繫足激行可及奔馬二
者止可冰雪上行

明一統志引元志

明

建州稍類開原舊俗其腦温江上自海西下至黑龍
江謂之生女直略事耕種聚會爲禮人持燒酒一魚
胞席地歌飲少有忿爭則彎弓相射

明一統志八十九

可木以下以樺皮爲屋行則馱載止則張架以居養

馬弋獵爲生其阿迷江至散魯江頗類可木乘五板

船疾行江中

同上

乞列迷有四種捕魚爲食著直筒衣暑用魚皮寒用

同上

狗皮不識五穀六畜惟狗至多耕田供食皆用之
乞列迷去奴兒干三千餘里一種曰女直野人性剛
而貪文面椎髻帽綴紅纓衣緣綵組惟袴不裙婦人
帽垂珠珞衣綴銅鈴射山爲食暑則野居冬則室處
一種曰北山野人乘鹿出入一種住平屋屋脊閒開
孔以梯出入卧以草鋪 苦兀在奴兒干海東人身
多毛戴熊皮衣花布其鄰有吉里迷男女多始生

先定以狗十歲卽娶食惟腥鮮

同上

吉林通志卷二十八

食貨志一

戶口

吉林府

康熙五十年吉林民丁三萬三千二十五

會典十一

乾隆三十六年新編民戶八千八百五十六丁口四

萬四千六百五十六

盛京通志三十六接
皇朝文獻通考十九四十四年

吉林人丁七萬四
千六百三十一

四十五年編審民戶二萬二千五百十三丁口十一

萬四千四百二十九

同上按
皇朝文獻通考
十九是年吉林人丁十三萬五

千八百二十七四十八年吉林
人丁十四萬二千二百二十

光緒初原編人丁二萬四千九百三十五至五年

恩詔賞賚侍養老民七十一名實應徵丁二萬四千八百

六十四計徵丁銀三千七百二十九兩六錢八年劃

歸伊通州敦化縣人丁八千二百十九實應徵人丁

一萬六千六百四十五計徵丁銀二千四百一十六

兩七錢五分是年奏准攤丁入地永革丁名以光緒

九年為始

冊報

十七年編定民戶三萬九千九百六十四丁口二十

二萬四千五百三十四

同上

伊通州

原額丁八千一百七十七每年應徵丁銀一千四百

零九兩四錢九分光緒九年奏准攤丁入地永革丁

名

冊報

光緒十九年編定民戶二萬七千八百二十七丁口

十二萬三千二百八十五

同上

敦化縣

光緒八年將軍銘安奏准攤丁入地永革丁名

冊報

十六年編定民戶一千四百十三丁口九千六百二

十

同上

十七年編定民戶一千四百十三丁口九千三百八

十八同

長春府

嘉慶五年設廳至十六年編定民戶一萬一千七百

八十一丁口六萬一千七百五十五冊報

道光二年編定民戶除遷出戶一千一百八十七丁

口一萬零五百三十四加新增戶一百八十二丁口

六百五十七實在戶一萬零七百七十六丁口五萬

一千八百七十八同

十六年新增民戶四千四百九十四編定一萬五千

二百七十新增丁口一萬二千二百九十編定六萬

四千一百六十八同

光緒七年至九年新增民戶八千七百零五編定二

萬三千九百七十五新增丁口二萬七千九百五十

二編定九萬二千一百二十五同

農安縣

光緒十五年設縣劃歸縣屬民戶編定七千三百三

十五丁口二萬八千二百一十冊報

伯都訥廳

乾隆三十六年新編民戶三千四百一十六丁口一

萬零二百四十八盛京通志三十六

四十五年編審民戶四千零六丁口一萬九千一百五十同

光緒八年改理事同知為撫民同知編審民戶丁口一萬四千三百四十九原徵丁銀連加一耗羨共徵銀二千三百六十七兩五錢八分五釐九年將軍銘

安奏准攤丁入地徵收冊報

十七年編定民戶一萬四千四百七十六丁口十三萬八千八百六十八同

五常廳

光緒十年編定民戶一萬一千零九十一丁口九萬

九千七百五十六冊報

十三年編定民戶一萬一千一百五十丁口九萬九

千八百同

十七年編定民戶一萬一千一百六十一丁口九萬

九千九百四十同

賓州廳

原編額定行差人丁一千一百七十六官莊人丁三

十六每年應徵丁銀一百九十九兩九錢八分向歸

阿勒楚喀副都統徵收光緒八年歸廳經徵冊報

光緒十六年編定民戶四千八百八十二丁口二萬

七千四百四十九同

十七年編定民戶五千十九丁口三萬一千六百四

十八同

雙城廳

光緒十六年編定民戶一千八百三十一丁口二萬

六千二百三十七冊報

順治十一年戶部言人丁地土乃財賦所出本根故

明舊例或三年或五年一行編審繕造黃冊呈進我

朝定鼎以來尙未舉行宜自十二年為始責布政司彙

造以便查稽隙地漏糧之弊從之皇朝文獻通考十九

康熙七年奉天府屬始行編審法每丁徵銀一錢五分五十二年

恩詔人丁以五十年編審為定額以後滋生戶口永不加賦

雍正五年置永吉州泰甯長甯二縣俱屬奉天府乾

隆元年裁長甯縣併歸永吉州十二年裁永吉州設

吉林理事同知徵收地丁錢糧屬吉林將軍管轄二

十六年至二十九年甯古塔伯都訥三姓地丁俱歸

各副都統徵收由吉林同知彙總報銷三十七年吉

林各屬

恩詔以三十六年編審為定額以後永不加賦惟開戶入籍

家奴官莊年滿幼丁仍按例加徵四十五年阿勒楚

喀地丁亦歸副都統徵收由吉林彙報焉盛京通志三十五

戶部正天下之戶籍滿洲蒙古漢軍丁檔則戶凡各

省諸色人戶有司察其數而歲報於部由親轄府直隸廳直隸州

廳州縣分管民戶曰煙戶凡戶之別有民戶土著者

籍者入旗銷除旗檔者漢軍出旗有軍戶原編屯衛

州縣或仍隸衛所官其屯丁皆為軍戶凡充發為軍

者其隨配之子孫及到配所生之子孫亦為軍戶

有匠戶原編丁冊各省皆有匠戶輪班供役嗣改為

攤入地丁徵收惟於凡民男曰丁女曰口未成丁年

賦役全書仍存其目亦曰口丁口繫於戶凡腹民計以丁口直省

督撫飭所屬按保甲門牌冊實在民數歲以十月同

穀數送部戶部於年終彙繕黃冊具題每年開除滋

生多寡不齊嘉慶十七年冊報吉林丁口三十邊

萬七千七百八十一其入旗駐防人丁不與其數

民計以戶三姓所屬赫哲費雅喀勒爾庫葉鄂倫春

戶納貂凡丁輸賦者以康熙五十年為額康熙五十

皮一張恩詔嗣後編審人丁祇將實數奏聞其徵收

辦糧但據五十年丁冊定為常額續生人丁永不加

賦五十年丁冊之額吉林歲編審有羨餘曰

民丁三萬三千二十五

盛世滋生人丁不加賦焉凡民之著於籍察其祖寄辨其

宗系區其良賤冒籍者跨籍者越邊僑籍吉林伯都

新集流民業已開墾地畝安分守業者准其納丁入

冊不准再有流民踵至私墾阿勒楚喀拉林二處種

地閒散滿洲不准私招民人代種吉林長春廳等處

租種蒙古地畝之民人除現在開墾各戶准其入於

民册安插外不准多墾一畝增居一戶皆禁之會典十一

吉林城

乾隆十六年編審原額新增實在行差人丁四千三

百二十七徵銀六百四十九兩零五分盛京通志三十五

二十六年編審原額新增實在行差人丁六千零二

十七徵銀九百零四兩零五分同上

三十六年編審原額新增實在行差人丁一萬三千

三百零二徵銀一千九百九十五兩三錢同上

四十六年編審原額新增實在行差人丁二萬七千

四百四十徵銀四千一百二十兩零五錢同上

接以上蓋統吉林各屬計之

雍正十二年編審永吉州原額新增實在行差人丁

二千一百八十六徵銀三百二十七兩九錢同上

乾隆六年編審永吉州原額新增實在行差人丁四千

一百零二徵銀六百一十五兩三錢同上

十二年新收永吉州人丁四千一百四十三至十六

年原額新增實在行差人丁四千三百二十七徵銀

六百四十九兩零五分同上

二十六年原額新增實在行差人丁五千四百九十

二徵銀八百二十三兩八錢同上

三十六年原額新增實在行差人丁一萬零六百三十四徵銀一千五百九十五兩一錢同上

四十六年原額新增實在行差人丁二萬二千六百

七十二徵銀三千四百兩零九錢五分同上

嘉慶十七年吉林丁口三萬七千七百八十一會典十一

道光四年原編新增實在行差人丁二萬五千一百

七十吉林外紀七

按以上蓋就吉林一屬計之惟外紀成於道光四
年所載行差人丁較之乾隆嘉慶其數反少此必
有誤歷年既久別無可徵前載所詳理不可闕姑

依會典諸書分年錄之其確數則一以光緒十七
年戶司冊報為斷云

吉林官莊五十處壯丁五百名嘉慶二十一年逃故
一百五十四名現有丁三百四十六名同上

光緒十七年編定正黃旗五牛彖戶七百二十八丁

口三千三百二十三 鑲黃旗五牛彖戶一千三百

五十三丁口七千二百一十九 正白旗五牛彖戶

一千八百八十六丁口七千五百四十二 鑲白旗

五牛彖戶八百五十六丁口三千二百零九 正紅

旗五牛彖戶六百一十八丁口二千八百八十四

鑲紅旗五牛象戶五百七十三丁口二千三百六十一
一 正藍旗五牛象戶九百八十四丁口三千二百四十七
鑲藍旗五牛象戶九百二十四丁口三千四百一十二
蒙古旗八牛象戶七百三十丁口二千四百零五
烏鎗營八牛象戶六千零二十七丁口三萬一千一百九十九
水師營戶七百七十六丁口四千七百九十九
冊報
額穆赫索羅 光緒十七年編定行差人丁戶二百七十七丁口一千三百六十六
同
烏拉額赫穆二十四站 光緒十七年編定站丁戶

四千一百三十一丁口二萬三千四百二十八
同
金珠鄂佛羅二十三站 光緒十七年編定站丁戶三千六百丁口一萬八千二百六十七
同
巴彥鄂佛羅邊門 光緒十七年編定臺丁戶九百七十一丁口六千四百零六
同
赫爾蘇邊門 光緒十七年編定臺丁戶一千一百六十八丁口六千五百一十七
同
伊通邊門 光緒十七年編定臺丁戶一千一百九十九丁口五千八百五十五
同
佈爾圖庫邊門 光緒十七年編定臺丁戶一千零

七十二丁口四千二百七十五同

伊通正黃鑲黃旗 光緒十七年編定行差人丁戶

四百八十丁口六千零三同

五常堡 光緒十七年編定行差人丁鑲黃旗戶六

百七十九丁口二千三百三十四 正黃旗戶四百

六十六丁口一千八百五十五同

打牲烏拉城總管衙門 官地莊頭五名壯丁一百

四十名盛京通志二十四 順治十年定烏拉打牲壯丁每十

名內五名耕種五名採捕會典事例六百八十三

十八年奏准打牲烏拉設三十三珠軒每珠軒設壯

丁二十名至二十六名有差同

雍正四年定烏拉打牲人丁戶部派筆帖式前往編

審皇朝文獻通考二十

雍正五年奏准除王貝勒貝子分例應有之珠軒外

其餘珠軒俱歸於上三旗會典事例六百八十三

七年奏准每珠軒不得過三十丁若有餘丁報內務

府增設珠軒同

乾隆十五年議准蜜戶四百五十名內除採蜜丁一

百五十名仍令採蜜其採獲丁三百名改令採捕東

珠編為十二珠軒每珠軒設頭目一名副頭目一名

同上

三十二年議准採蜜丁一百五十名改令採捕東珠
編為五珠軒每珠軒設頭目一名副頭目二名壯丁
二十七名同上

四十三年定編審打牲壯丁之例停派京員令吉林
將軍就近編審造冊加具保結送部皇朝文獻通考二十

光緒十七年編定八旗行差人丁戶三千五百七十
六丁口一萬四千六百八十二冊報

協領衙門 光緒十七年編定八旗行差人丁戶三
千五百九十七丁口一萬五千零二十六

甯古塔城

乾隆二十九年新收入丁六百六十一至三十六年
原額新增實在行差人丁七百二十八徵銀一百零
九兩二錢盛京通志三十五

四十六年原額新增實在行差人丁七百九十四徵
銀一百一十九兩一錢同上

道光四年編定行差人丁一千三百五十徵銀一百
五十七兩五錢吉林外紀七

官莊十三處壯丁一百三十名同上

光緒十七年編審八旗行差人丁戶六千七百七十

二丁口三萬二千八百八十三冊報

編定官莊壯丁戶八百九十五丁口二千八百二十

四同上以上旗戶

乾隆三十六年新編民戶六百四十五丁口一千五

百七十一盛京通志三十六

四十五年編審民戶七百九十四丁口一千九百四

十三同上

光緒十七年編定民戶一千七百五十三丁口九千

五百二十三冊報以上民戶

伯都訥城

雍正五年設長甯縣至十一年續收丁一百七十九

徵銀二十六兩八錢五分盛京舊志二十三

十二年編長甯縣原額新增實在行差人丁二百零

一徵銀三十兩零一錢五分乾隆元年奉裁歸併入

永吉州盛京通志三十五

乾隆二十六年新收實在行差人丁五百三十五徵

銀八十兩二錢五分同上

三十六年原額新增實在行差人丁一千八百八十

四徵銀二百八十二兩六錢同上

四十六年原額新增實在行差人丁三千八百八十

四徵銀五百八十二兩六錢同

道光四年行差人丁一萬四千三百七十五吉林外紀七

光緒十七年編定正黃旗行差丁口五百六十 鑲

黃旗丁口七百六十 正白旗丁口七百八十九

鑲白旗丁口五百六十六 正紅旗丁口七百七十

鑲紅旗丁口四百三十四 正藍旗頭佐領丁口

五百十四 正藍旗二佐領丁口一千二百五十一

鑲藍旗頭佐領丁口九百十八 鑲藍旗二佐領

丁口九百五十八 左翼蒙古正白旗丁口九百三

十一 右翼蒙古正白旗丁口一千零九十五冊報

官莊六處壯丁六十名吉林外紀七

阿勒楚喀城

乾隆四十六年新收實在行差人丁五十徵銀七兩

五錢盛京通志三十五

道光四年新增實在行差人丁三千零七十四徵銀

四百六十一兩一錢吉林外紀七

光緒十七年編定八旗行差人丁戶一千六百八十

五丁口一萬五千六百八十冊報

官莊六處壯丁六十名吉林外紀七

拉林城 光緒十七年編定八旗行差人丁戶三千

二百六十七丁口二萬六千七百零五冊報

雙城堡 光緒十七年編定八旗行差人丁戶五百

六十丁口五千四百二十七同上

三姓城

乾隆二十九年新收人丁五十三至三十六年原額

新增實在行差人丁五十六徵銀八兩四錢盛京通志三

五十

四十六年原額新增實在行差人丁六十九徵銀一

十兩三錢五分同上

道光四年編審行差人丁四百一十徵銀七十一兩

零六分二釐吉林外紀七

光緒十七年編定八旗行差人丁戶一千五百七十

丁口九千六百零六冊報以上旗戶

官莊十五處壯丁一百五十名吉林外紀七 光緒十七年

編定官莊戶一千零十五丁口六千八百六十四冊報

乾隆三十六年新編民戶六十丁口一百九十八

四十五年編審民戶六十九丁口二百二十八盛京通志三

十六

光緒十七年編定永甯社民戶四百一十六丁口五

千零九十一冊報以上民戶

琿春城

光緒十七年八旗行差人丁戶一千四百零三丁口
一萬零四十三安遠堡新墾民戶七百五十三綏遠
堡新墾民戶八百三十六甯遠堡新墾民戶一千八
百七十二鎮遠堡新墾民戶九百四十九共新墾民
戶四千四百一十丁口一萬九千九百四十

冊報

吉林本滿洲故里蒙古漢軍錯屯而居皆有佛伊徹

之分

國語舊曰佛新曰伊徹

國朝定鼎以前編入旗者為佛滿洲佛滿洲內有貝國

恩布特哈之分

國語貝國恩戶也布特哈虞獵也

協領佐領由京補

放子孫遺居立戶於此謂之貝國恩舊在白山一帶

漁獵為生者謂之布特哈伊徹滿洲內又有庫雅喇

之分庫雅喇非一姓一族有即以庫雅喇為姓者有

庫雅喇人而別姓者與伊徹滿洲實截然兩項

庫雅喇居

甯古塔以東定鼎後入旗伊徹滿洲居三姓烏蘇哩東西入旗又在庫雅喇以後

其世襲佐

領亦各有分晰

各項伊徹滿洲世襲佐領曰伊徹滿洲佐領庫雅喇世襲佐領曰庫雅喇

佐總之曰佛曰伊徹曰庫雅喇皆滿洲也

其編入入旗鑲黃正

白鑲白正藍為左翼正黃正紅鑲紅鑲藍為右翼左右翼國語曰達斯歡噶喇哲伯勒噶喇

亦有新陳之分錫伯瓜勒察兩部居嫩江以南天命

四年征服科爾沁遂統定之編為蒙古旗七年八年

及天聰三年喀爾喀諸部率屬來歸九年察哈爾舉
國內附俱編入八旗各佐領下均有二三戶六七戶
不等是年各處蒙古俱歸降其居故土者爲藩服其
編入旗者皆陳蒙古也九年以後入旗者爲新蒙古
亦有世襲佐領曰喀爾喀則台吉阿玉喜之裔也曰
巴爾虎則阿玉喜之屬下人也曰錫伯瓜爾察則
國初歸附之遺分屬蒙古各王公旗下後役入旗者也
漢軍則編入滿洲鑲黃正白兩旗者皆爲陳漢軍其
後安置之新漢軍自

國初卽有十官莊二十六驛站二十七邊台官莊當種

地打樺皮差使稱曰壯丁驛站當馳送文報差使稱
曰站丁邊台當查邊設立柵壕差使稱曰台丁皆另
設官治之非如滿洲蒙古卽於本旗本翼內揀選也
三項設立年分檔案已失順治十五年造戰船康熙
二十二年造運糧船設立水手營其官卽於官莊台
站水手之入會稽司者揀選水手營入會稽司者八
百五十六戶雍正十一年揀選台站水手營閒散官
莊打樺皮壯丁一千名設立烏槍營與滿洲蒙古陳

漢軍一體當差

吉林外紀三

康熙四十四年奏准

盛京旗人並旗下家奴攜帶眷口在吉林地方種地內除正身旗人仍孥解本處照例辦理其

盛京兵部工部內務府之壯丁並王公宗室之家奴及旗下家奴入於吉林官莊耕種納糧當差併飭該管

官嚴加約束毋許滋事

會典事例一百三十一

乾隆二十五年令吉林甯古塔伯都訥拉林阿勒楚喀等處旗下家奴之女不許給與民人違者治罪

皇朝文獻通考二十

二十七年覆准甯古塔交納地丁錢糧之開檔家奴及官莊年滿除入民籍入等俱係世守居住置立產

業不能遷移伊等地畝概行查出卽令納糧至甯古塔界內地方徧小外來流民不便准其入籍應將流民驅回如有願於吉林伯都訥地方入籍者卽將該處丈出餘地分納伊等交納地糧伊等在甯古塔所墾之地交甯古塔納糧民人納糧其吉林伯都訥地方墾地流民如有願納糧者將伊等地畝花名入冊交納錢糧願回籍者將地畝交與現納糧民人併附近民人納糧仍令嗣後嚴禁私墾併令邊門官員實力查逐儻復有流民潛入境地者嚴參議處

會典事例二百

三十四

三十四年戶部議准吉林將軍傅良奏阿勒楚喀拉
林地方查出流民二百四十二戶俱自雍正四年至
乾隆二十二年陸續存住在二十七年定議之前請
限一年盡行驅逐至伯都訥地方每戶撥給空甸一
具令其入籍墾種二年後納糧從之

皇朝文
獻通考十九

盛京將軍福康安奏

盛京旗人並旗下家奴攜帶眷口在吉林地方種地共
四十戶一百八十二名口內除正身旗人仍解回本
處照例辦理其

盛京兵部工部內務府之壯丁並王公宗室之家奴及
旗下家奴請入於吉林官莊耕種納糧當差併飭該
管官嚴加約束毋許滋事如再有犯逃者獲日不論
次數刺字發駐防兵丁為奴等因奉

旨盛京吉林均係國家根本之地境壤毗連盛京旗人有潛
往吉林種地謀生本無關礙並非逃旗可比從前宏煦奏
請解回治罪之處所辦原屬過當伊等皆滿洲世僕盛京
吉林有何區別其正身旗人六戶即著入於吉林當差毋
庸解回盛京辦理餘依議

皇朝文
獻通考二十

嘉慶五年議准查出郭爾羅斯地方流寓內地民人

二千三百三十戶均係節年租地墾種難以驅逐應
劃清地界自本旗游牧之東穆什河西至巴延吉魯
克山二百三十里自吉林伊通邊門北至吉佳窩鋪
一百八十里定爲規制不准再有民人增居每年令
吉林將軍造具戶口花名細冊送部備查仍設立通
判巡檢各一員彈壓專理詞訟

會典事例二百三十四

道光元年正月初六日吉林將軍富俊奏查八旗生
齒日繁疊奉

恩旨增添步甲養育兵額凡爲旗人生計者無不體恤周備
恩至渥也第

國家經費有常名糧有額而八旗數十萬眾聚積京師
不農不賈皆束手待養於官勢有不能臣再四籌畫
惟有量爲移駐屯田因天地自然之利使自耕種方
資久遠前勘阿勒楚喀雙城堡地方奏請挑選奉天
吉林等處閒散旗丁三千名酌給牛具籽種荒地九
萬數千晌設立中左右三屯每屯旗丁一千名中屯
於嘉慶二十一年設立左右二屯於嘉慶二十五年
添設奏准遵行在案臣謹擬願往雙城堡種地之人
令其呈報本旗年終彙總咨報戶部由部查覈各旗
所報人數足二百戶者作爲一班分爲四起官車送

屯每年移駐八旗閒散二百戶內可分八旗戶口之
繁外可聯邊城鞏固之勢則京旗滿蒙人等各得田
產永遠安業矣摺檔

前代

遼

長春州長春縣丁四千遼史地理志

長春州韶陽軍下節度統縣一長春縣戶二千同上

涿州鴨綠軍節度統州四縣二戶三千同上

賓州懷化軍節度統州五縣三戶一千同上

金

會甯府縣三戶三萬一千二百七十金史地理志

肇州縣一戶五千三百七十五同上

隆州縣一戶一萬一百八十同上

咸平府縣八戶五萬六千四百四

同上

太宗天會二年四月乙亥詔贖上京路新遷甯江州

戶口賣身者六百餘人

金史本紀

世宗大定十七年五月省奏咸平府路一千六百餘

戶自陳皆長白山星顯琿春河女直人遼時遷為獵

戶移居於此號移典部遂附契丹籍本朝義兵之興

首詣軍降仍居本部今乞釐正詔從之

金史食貨志

上京蒲與速頻曷懶胡里改等路明安謀克民戶計

一十七萬六千有餘

同上

吉林通志卷二十九

食貨志二 田賦上

吉林府

吉林自雍正五年設永吉州十三年田賦之額始著
於册乾隆十三年改設同知十四年奏分三則徵銀
原額徵陳民地四十五萬四千零五十五畝分別三
則銀米各半徵收共徵銀五千一百五十一兩五錢
四分米一萬一千三百三十三石三斗八升八合折
徵銀一萬一千三百三十三兩三錢八分八釐續增
陳民流民報墾地十九萬九千五百九十八畝不分

等則徵銀一萬五千九百六十七兩八錢四分米八
百八十三石二斗二升二合折徵銀八百八十三兩
二錢二分二釐人丁二萬四千八百六十四徵銀三
千七百二十九兩六錢嗣改升府治添設伊通州敦
化縣劃撥伊通州丁銀一千四百零九兩四錢九分
敦化縣丁銀四兩七錢九分四釐淨徵丁銀二千三
百一十五兩三錢一分六釐光緒九年將軍銘安奏
准自本年為始攤丁入地每地銀一兩攤丁銀一錢
零九釐六毫三絲 已上額徵地丁大凡銀三萬五
千六百五十一兩三錢零六釐每兩增耗羨銀一錢

共徵銀二千三百四十三兩四錢六分九釐六毫留
支者二一廩餼 滿合號廩生各二名民籍廩生四名
每名餼糧銀四兩三錢九分二釐凡
銀二十七兩一 一祀禮 文廟關廟文昌廟春秋祭銀
錢三分六釐 一祀禮 各十六兩社稷山川風雲雷
兩八蜡等神春秋祭銀十二兩昭忠祠春秋祭銀四
兩三錢祭無祀鬼魂銀八兩霜降祭銀一兩凡銀七
十三兩均照章扣二成 共留支銀一百兩零一錢三
發八成扣六分減平
分餘起運解充餉

額徵原浮納租民地十八萬零八百四十四晌零一

分三釐 俗十畝 每晌徵大租銀一錢八分小租銀一

分八釐 府東舒蘭原納租地三萬九千七百八十三
晌六畝三分丈出浮多地一萬六千六百五

十二晌九畝二分府南烏林溝原納租地一千五百
一十五晌三畝丈出浮多地三百九十五晌八畝九

分又南漂河樺皮甸子原納租地五千七百二十三
响四畝四分丈出浮多地四零三十九响二畝一
分府西南圍場邊荒八牌內東四牌博文篤行誠忠
允信四社原納租地二萬三千零五响二畝五分六
釐丈出浮多地一萬一千八百一十六响九畝九分
九釐允信社續丈出浮多地八百一十八响六畝九
分博文社續丈出浮多地五百零七响五畝篤行社
續丈出浮多地二十五响二畝九分又續文出生荒
地五十一响六畝二分又西四牌耕讀勤儉敦厚崇
禮四社原納租地二萬九千五百七十四响四畝二
分丈出浮多地二萬三千六百二十八响五畝又西
圍場荒溝河原納租地一萬四千七百二十六响一
畝零二釐丈出浮多地九千一百三十一响八畝三
分六釐續丈出浮多地一千四百一十一响七畝八分內
於光緒十五年咨部開除忠信社六甲烟筒大租凡
山民戶王福昌包納空租地六十四响四畝

銀三萬二千五百五十一兩九錢二分二釐三毫四

絲光緒十八年將軍長順奏撥舒蘭土門子納租地

五萬二千一百六十四响為烏拉協領管下伊通額

穆赫索羅佐領管下暨甯古塔琿春額設官兵五常

堡額設職官隨缺地照响數撥給租銀又吉林官兵

隨缺地不敷地二千三百六十四响二畝六分由西

圍場荒地內撥補詳見旗地卷內餘均起運充俸餉

小租凡銀三千二百五十五兩一錢九分二釐二毫

三絲四忽內津貼戶司辦公銀一千二百兩餘作催

租人役工食經費

陳民地七十一萬零二百四十一畝分三則徵收應

徵銀米地各三十五萬五千一百二十畝零五分內

上則地各十六萬九千六百二十四畝五分中則地各九萬三千三百六十三畝下則地各九萬二千一百三十三畝乾隆四十二年以後續增陳民墾地三十二萬五千八百九十八畝不分等則行差人丁二萬五千一百七十每丁徵銀一錢五分共徵地畝丁銀五萬六千四百九十六兩八錢七分九釐吉林外紀雍正四年覆准吉林等處有直省百姓情願入籍者准其入籍但不得容匿逃人重犯改換姓名潛居其地必行詢各原籍咨覆到日於戶口冊內照奉天所屬民人每名徵丁銀一錢五分會典事例一百三十四

乾隆四十六年

諭戶部議覆索諾木策凌等查丈流民私墾地畝仿照山東科則定賦一摺自應如此辦理流民私墾地畝於該處滿洲生計大有妨礙是以照內地賦則酌增以杜流民佔種之弊且撤出地畝並可令滿洲耕稼不特於旗人生計有益兼可習種地之勞不忘舊俗原非爲加賦起見至若吉林與奉天接壤地糧自應畫一今據戶部查奏吉林所定額賦又係照直隸辦理與奉天查照科則者互異是和隆武專似爲言利起見殊非均平賦額加惠旗人之意所有吉林地畝錢糧應收賦則著交和隆武會同索諾木策凌

詳悉熟籌酌中畫一定額妥議具奏尋經和隆武等覆奏

戶部議准四十二年以前陳民耕種地畝照奉天陳民例分爲上中下三等銀米各半徵收以後續行查出私開地畝亦照奉天查出流民地畝加增糧額之例銀米並徵是辦理既有等差酌中定賦不致畸輕畸重尙屬可行應如所奏從之

皇朝通考五

又定懲匿報之令吉林民人私墾續增查出者每畝歲徵銀八分仍在旗倉納米二升六合五勺五抄以懲匿報之弊著爲令

同上

吉林甯古塔伯都訥三姓等處各項民賦徵銀地上

則每畝三分中則二分下則一分徵米地上則每畝

六升六合中則四升四合下則二升二合續行查出

地不分等則每畝徵銀八分米四合四勺二抄零每

米一石折徵銀一兩

會典事例一百三十八續設廳州縣俱倣此

光緒九年將軍銘安奏言恭查

欽定大清會典內載康熙五十一年

恩詔嗣後編審人丁止將實數奏聞其續生人丁永不加賦

乾隆三十七年

諭令編審之例永遠停止又載雍正六年戶部覆准奉天府所屬以入籍民人增除不定仍照舊例丁地分徵不

攤入地畝等語謹按吉林在雍正時理事官皆隸奉天府地方民人無多增除不定非道光以後漸至入籍民戶多於旗戶情形可比故丁糧分徵雖使編審已停而至今仍沿其舊然則丁地攤徵之處編審誠屬虛文其地丁分徵之處編審則爲要務編審停後分徵於有地之戶其弊尙輕分徵於不定之民其弊滋大蓋冊止當年之戶而民非當年之名經徵之時官惟照冊責之吏胥吏胥亦惟照錄票責之鄉地其實自官至民皆莫辨現在某戶應納某戶不應納以編審停而開除抵補章程亦與俱廢故也於是官惟

以足額爲務民惟以納課爲安其間之吏胥鄉地雖值民戶日繁而猶私造攤補攤陪等名幾致無戶而不擾反以遂其中飽之私官旣破除無計民實貼累無窮有力者憚重遷無力者多逃避實百年之積弊也查關內各直省丁糧多係按地輸納以有恆產者膏腴坐擁食指必繁責以丁銀輕而易舉無恆產者人口雖眾事畜惟艱責以丁銀窮無所措况天下大勢有丁無地者居多有地無丁者絕少取之有地之戶與取之無地之戶事理之順逆難易尤屬顯然各城情形與吉林實屬一律亟宜設法更定仿照內省攤

丁入地爲簡易可行唯阿勒楚喀舊額止有丁糧並無地糧無可攤徵三姓地糧之數不及丁糧十一亦難攤入二處仍請照舊辦理外計應徵丁銀攤入地畝者吉林府每地賦銀一兩合攤銀一錢九釐有奇甯古塔地賦銀一兩合攤銀三錢三分八釐有奇伯都訥地賦銀一兩合攤銀一錢三釐有奇覈與會典所載各直省攤丁歸地攤銀一錢一分有奇至三錢三分有奇各數目及一省之內丁糧地糧攤徵分徵分別辦理各成案均屬相符竊維利非百不興害非百不除當積弊之甚深誠不容仍沿其舊現在通省改設民官民戶日見繁庶編審無再復之理攤徵卽當行之法况丁攤入地內地行之已久流弊毫無合無仰懇我

皇上飭下戶部速議俟奉到部覆後再行司道等覈定細數行令各屬一體遵照其更定報部徵收細冊卽請自光緒九年爲始嗣接部咨如所議行

伊通州

原額陳民舊地二十五萬四千九百八十四畝分三則徵銀二千七百一十二兩七錢八分五釐徵米五千九百六十八石一斗二升七合折徵銀五千九百

六十八兩一錢二分七釐續增新地十二萬六千八百零一畝不分等則徵銀一萬零一百四十四兩零八分徵米五百六十一石零九升四合四勺二抄五撮折徵銀五百六十一兩零九分四釐 光緒八年設州由吉林府劃撥行差人丁八千一百七十七徵銀一千四百零九兩四錢九分九年攤丁入地每地銀一兩攤丁銀一錢零九釐六毫三絲 已上額徵大凡銀二萬零七百九十五兩五錢七分六釐徵耗羨銀一千四百二十六兩六錢三分五釐五毫留支者二一廩餼 廩額二名每名四兩三錢九分二釐凡銀八兩六錢四釐 一祀禮 與吉

林同凡銀七十三兩 共留支銀八十一兩六錢四釐餘起運充

俸餉

額徵原浮納租民地六萬五千三百六十九晌七畝四分大租凡徵銀一萬一千七百六十六兩五錢五分三釐二毫先起運抵充俸餉光緒十八年將軍長順奏准全數撥爲官兵隨缺地照章徵租解庫放給小租凡徵銀一千一百七十六兩六錢五分五釐三毫二絲作催租人役工食經費

光緒十三年將軍希元奏竊 臣 等前准戶部咨議覆伊通河南圍場未墾生荒請展限升科並改徵租銀

一摺應將未墾之荒自光緒十三年展限起扣至十六年一律升科惟吉林奉天圍場接壤納租似應一律行令再行遴員確實查勘體察情形仍照原議每畝三分之數起租以昭核實伏查圍荒地畝前經勘明高阜樹根難除低窪積水難澈土薄賦重本非虛飾部議必須覆勘自係慎重課款實事求是之意當經遴派妥員履勘據委員永貴稟覆仍與前員所勘無異並稱圍場西南一隅雖與奉天毗連而一在山陽一在山陰氣候迥不相同又土性磽瘠已墾之地播種曾無多穫其東北一隅樹木叢雜窪甸水塘舉目即是墾種尤屬不易較之奉天平原沃壤甚覺懸殊况奉天水運道通糧石易於消售吉林糧價較微出售每形遲滯如仍照每畝三分徵租民力實有未逮等語夫徵租爲

國家正供當此整頓賦法之際豈容避重就輕朝令暮改顧地既有瘠而無肥則賦自從輕而除重此民隱所關有不容已於請命者也昔順治十四年頒行賦役全書良法具有同此土田此省賦輕彼省賦重一省之賦水田較重山田較輕因地制宜各分等次今部議以爲圍場接壤納租似應一律是土脉本有

肥磽而輸將不容多寡且以接壤而論與奉天圍地相接者則有開原奉化等處其地亦按每畝三分徵租與吉林圍地相接者則伊通河一帶其地僅按省章每晌一錢八分徵租可見租賦輕重全以地土厚薄爲分本不以地名限也大凡事前逆料與事已經辦者虛實本自判然當前將軍銘安請放此荒時因見海龍圍荒墾有成效毅然援案辦理先曾約計其地十餘萬晌追開放年餘僅七千餘晌遂有圍荒並非膏腴改徵租賦之奏非前後如出兩人蓋課虛者不如徵實耳今屢次派員查勘所言薄土歉收民困

賦重均無二致是較銘安所查尤爲情實事確若必拘定原議不特小民向隅且無以仰副

朝廷減徵薄斂體恤民艱之至意議者又謂圍荒旣在吉林則徵租自有省章可循未便兩歧不知果屬沃土則從重徵收無損於民何妨有利於國所以一再瀆請者正惟地居通省之下賦居通省之上所謂不患寡而患不均也合無仰懇

天恩俯准伊通河南圍荒地暨指撥義學經費地畝仍照通省徵租改銀新章每晌改徵大小租銀一錢九分八釐以紓民力而廣

皇仁如蒙

俞允請自光緒十三年爲始所有已墾地畝從前民欠未完均請照章徵收俾昭劃一部議從之

敦化縣

原額陳民舊地六百四十四畝分三則共徵銀六兩四錢五分五釐徵米十四石二斗零一合折徵銀十四兩二錢零一釐續增陳民流民報墾地四百六十六畝不分等則共徵銀三十七兩二錢八分徵米二石零六升二合折徵銀二兩零六分二釐 光緒六年設治八年由吉林府劃撥行差人丁四十二徵銀

四兩七錢九分四釐九年攤丁入地每地銀一兩攤丁銀一錢零九釐六毫三絲 已上額徵大凡銀六十四兩七錢九分二釐徵耗羨銀四兩八錢五分二釐九毫均起運抵充俸餉 原浮納租民地三萬二千四百四十二晌一畝大租凡徵銀五千八百三十九兩五錢七分八釐起運抵充俸餉小租凡徵銀五百八十三兩九錢五分七釐八毫作催租人役工食

經費

冊報

長春府

農安縣

府縣本皆蒙古郭爾羅斯公牧地所有租賦向歸蒙古徵收

乾隆五十六年郭爾羅斯札薩克公恭格喇布坦以其遊牧之地招流民墾種初不知有履畝繩丈之制地多租少流民利之故至者日眾嘉慶四年將軍秀林查辦始爲借地安民之議凡得熟地二十六萬五千六百四十八畝添設長春廳以其地劃分四大鄉一曰沐德二曰撫安三曰恆裕四曰懷惠俗呼爲大荒又曰老荒每畝徵糧四升共折銀五百七十八兩六錢該札薩克自向民人徵收爲置通判以彈壓之

每屆四十五年勘丈一次如有浮多熟地照地增租四大鄉界址以外橫跨長春所屬地界名曰夾荒於道光七年招民領種經部奏定於租界外有續行開墾者作爲十年一限按畝勘丈入冊收租咸豐元年至六七年光緒十一年至十八年屢奉理藩院咨催勘丈經將軍長順查出熟地四十三萬餘晌生荒房園二十四萬餘晌蒙古每年所得止十四萬餘晌之租長順派補用通判張呈泰與蒙古等共定增租之議照十四萬餘晌之數再加一倍增租免其勘丈取具蒙公印結在案會長順去任事遂中止

伯都訥廳

原額陳民舊地九萬九千九百七十八畝八分五釐
分三則徵銀一千零五十五兩八錢零八釐徵米二
千三百二十二石七升七合零五抄折徵銀二千三
百二十二兩七錢七分七釐續增陳民流民墾地十
九萬七千四百六十一畝不分等則徵銀一萬五千
七百九十六兩八錢八分徵米八百七十三石七斗
六升四合九勺二抄五撮折徵銀八百七十三兩七
錢六分五釐乾隆四十二年四十三年丈出流民墾
地七萬三千九百一十一畝四十六年四
十七年丈出流民墾地九百零四畝嘉慶六年丈出
陳民墾地五萬七千二百八十一畝又丈出流民墾

地八千四百六十四畝八年查出婁王氏呈控王寬
案內私墾地二千二百五十六畝又查出民人墾地
一千七百五十九畝十二年查出孫日明呈控孫日
雨案內私墾地一百零四畝又丈出封堆迤北廳界
內陳民墾地五萬零八百五十一畝十四年丈出拉
林河西岸至二道河等處分居另戶及流民墾地一
千九百四十九畝內除懷中社濱江續增陳民流民
被風掏沙壓奏准豁除地十八畝墾地四萬八千九百零八畝嘉慶十七年丈出南路
界流民墾地七千零一
十二畝北路界流民墾地八千九百五十八畝拉林
河西岸二道河等處陳民墾地二萬三千七百零六
畝黑林子等處陳民墾地九千二百三十二畝內除撥補審辦協領伊三保
等飛灑攤徵案內缺額地七百零四畝實墾地四萬
八千二百零四畝徵銀三千八百五十六兩三錢二
分徵米二百一十三石三斗零二合七勺折徵銀二

百一十三兩三錢零三釐 先是人丁一萬四千三

百四十九徵銀二千一百五十二兩三錢五分光緒

九年攤丁入地嗣據紳耆等稟准長興懷中人豐三

社每地銀一兩攤丁銀九分五釐八毫五絲東十甲

每地銀一兩攤丁銀三錢六分八釐五毫三絲咨部

自十三年起照數攤定徵銀如額 已上額徵大凡

銀二萬六千二百七十一兩二錢零三釐徵耗羨銀

二千二百八十六兩一錢三分六釐留支者二一廩

餼 廩額三名每名餼糧四兩三錢九分 一祀禮 文廟 春秋 祭銀十六兩 昭忠 祠 春秋 祭銀四兩

凡銀三十三兩一錢七分六釐餘

起運充俸餉

額徵原浮納租民地二十八萬零三百二十七晌八

畝 八分 八號荒新

號荒新 多 地二萬七千二百九十二晌

地二萬七千二百九十二晌 租 地三萬二千三百七十八晌

地三萬二千三百七十八晌 地 六千七百一十九晌

地六千七百一十九晌 四 千九百三十八晌

地六千七百一十九晌 千 九百三十八晌

地六千七百一十九晌 四 千九百三十八晌

地六千七百一十九晌 四 千九百三十八晌

凡徵銀五千零四十五兩九錢零一釐八毫四絲八
里荒徵銀五百零六兩零五分零五毫留支工食紙
筆錢三百五十餘貫閏年加增餘與涼水泉徵銀一
百一十四兩五錢八分一釐一毫隨大租銀起運又
八號荒新城局大荒溝等處徵銀二千八百九十二
兩有奇內津貼伯都訥副都統署辦公銀九百兩珠
爾山蘊黎場北下坎隆科城哈當阿等處徵銀一千
五百三十三兩有奇內津貼伯都訥副都統署辦公
銀六百兩餘均作催租人役工食經費

陳民地十萬零四十九畝八分五釐分別三則銀米
各半徵收應徵銀米地各五萬零二十四畝九分二
釐五毫內上則地各二萬零二百九十六畝九分二
釐五毫中則地各一萬五千零四十畝下則地各一
萬四千六百八十八畝乾隆四十二年以後續增陳
民流民及婁王氏孫日明各控地案內並丈出黑林
子拉林河西岸等處民人各墾地畝二十四萬五千
六百八十三畝不分等則行差人丁一萬四千三百
七十五共徵地丁銀二萬六千二百七十九兩一錢
一分九釐

道光廿四年將軍經額布等奏竊臣於上年具奏北

路驛站私墾八里荒地畝擅作津貼議請撤地入官
徵租一摺戶部議八里荒領墾熟地二萬八千一百
十三晌九畝二分若按民地銀米兼徵每畝應徵銀
八分米四合四勺二杓五撮如照新城局旗佃租數
每晌徵市錢六百六十文固係援案核定爲數未免
懸殊檢核各案如珠爾山蘊梨場涼水泉及現報之
八里荒皆隸伯都訥管轄該處十畝謂之一晌按旗
佃租數每畝僅徵制錢三十文爲數實覺過少且與
新城局之地暫令民種將來仍歸旗地者不同是以
前議涼水泉墾荒案內奏令照改民佃科則增租此
次自應一律核辦况該處荒地旣已墾熟聽民承種
交租旣與恆產無異應從長議定租額以裕度支其
珠爾山蘊梨場原議租數較輕是否可照民地科則
酌增亦由該將軍詳加體察奏明核辦臣等遵卽行
令增租去後旋據伯都訥副都統倭克精額咨開據
新城局協領闊普托等呈稱遵查歸局徵租地畝均
係豫備撥給京旗耕種珠爾山蘊梨場先後歸局收
租亦備京旗之用故按每晌徵大小租市錢六百六
十文與舊章相符今奉飭增租當赴地所履勘珠爾
山蘊梨場之地均在新城局迤北坎下河川地皆瘠

薄獲糧無多且歷年米價甚賤售脫維艱按晌徵制錢三百三十文佃力已多竭蹶若照民地加租勢必流離逃散至八里荒地與新城局毗連若按每畝銀米兼徵卽屬民地未便歸局徵收並以八里荒地畝將來儘堪安置京旗未便驟作民地等因伏查八里荒地畝自嘉慶年間前將軍富俊撥給北路各站津貼差務每晌糧止五斗二十餘年未曾加增上年查辦此地訪察站務情形不致竭蹶是以撤地入官照墾荒舊章議租共徵大租錢一萬六千餘貫請以充餉此較原租五斗之糧僅值銀一錢五六分者已

稍加增若如部議則比原租倍而又倍不但民力維艱且站丁收租糧止五斗一經入官卽加數倍之徵殊於體制未宜此加租之不可者一也旗地徵租民地徵賦名目本自不同民人佃種官地遇有欠租事故卽應撤地另佃原因地非民置故與恆產有殊今若改爲民地銀米並徵名實既不相符且顯示民種官地者皆得據爲已有是官地作民產佃戶爲業主民不圖占而官實導使占之從此啟民占旗地之端何以防微杜漸此照民地徵租之不可者二也吉林墾荒歷有舊章如雙城堡旗佃每晌徵糧五斗隨缺

地租每晌徵市錢五百文新城局民佃每晌徵大小
租市錢六百六十文蓋緣租輕則民踴躍租重則民
觀望故從前議租較輕殆有深意存焉今若改從民
地徵收輕重懸殊此後開荒議租無所遵循且使民
畏重租勢將退縮瞬屆雙城堡開荒誠恐招佃領地
認墾定租事事皆形掣肘由此推之加租乃一時之
利貽後日之難此更改舊章之不可者三也吉林乃
聖朝根本之地前旣移駐京旗此後生齒日繁更將續議
移駐故吉林每逢開地必宜籌計京旗地步八里荒
墾熟二萬八千餘晌長百有餘里寬三四里至七八

里不等與新城局毗連可安置京旗五六百戶若續
移之時照雙城堡成案除留給原佃各十晌或十餘
晌其餘分給京旗每戶三十餘晌使之得種熟地民
佃亦分恆產實爲兩有裨益如卽以民地徵租是使
此地永爲民業異時撤地歸旗民佃有辭措置不易
此輕棄旗地之不可者四也伏乞

聖明洞鑒俯准仍照舊章庶地不爲民產民亦可以相安
迨後撤地歸旗自無窒礙珠爾山蘊梨場地亦備接
濟京旗之用歸局徵租相安已久且地非腴美殊難
加租累民應請照舊徵收期無紛擾惟涼水泉地旣

交同知徵收卽屬永爲民地現據伯都訥同知以地實饒薄請免加租已派員前往覆勘容俟勘明另行

奏辦節錄摺檔

光緒三年將軍銘安奏竊臣等檢查接管卷內光緒

二年四月奉

上諭近聞東三省所屬各城尙有可耕地畝現在京旗戶口愈增生計愈促如將八旗官兵願往者分次撥往簡派大員督辦屯田事務會同該將軍經理是否可行著穆圖善豐伸體察情形有無窒礙之處據實具奏當經前署將軍穆圖善先將大概情形具奏在案臣銘安

到任後查閱案卷伏讀

列聖訓言及擬辦章程仰見我

國家裕策屯田推恩旗僕無微不至臣等世受

國恩允宜殫心區畫惟今昔情形時勢殊異其窒礙難行之處有不得不據實瀝陳者溯自乾隆九年初次辦理拉林屯田撥駐京旗後經將軍富俊於嘉慶年間開墾雙城堡荒地九萬餘晌先由奉天吉林間散餘丁內挑選三千名給予牛具籽糧試令承墾原議推駐京旗三千戶繼因觀望不前改撥一千戶計每京旗一戶給地三十五晌每旗丁一戶得地十八晌

三畝三分先後由京移撥到堡六百九十八戶未到者三百零二戶其地卽歸原墾旗丁承種納租充餉道光年間續經富俊奏請開墾伯都訥荒地二十餘萬晌分爲治本於農務滋稼穡八號名爲號荒備撥京旗招民承墾每戶給地三十晌俟京旗到日撥交二十晌十晌卽爲佃民產業是爲旗二民一之地迄今五十餘年京旗並無一戶移來地畝均已成熟卽由佃民等每年納大小租制錢三百三十文此初辦屯田及備撥京旗之原委也在

國家體恤旗人生計按戶授田給資治具幾於纖悉無遺而八旗人等猶復憚於移徙者誠以吉林天寒地僻物產不豐京旗之人素又未習耕作胼手胝足是所難堪兼在京旗人尤以報效當差爲務近值文教昌明更以讀書應試爲榮驅功名仕宦之人強之使耕又奚怪其裹足不前也計移撥京旗自治裝以及房并器具日用所需均由官爲備具每戶約用銀二百兩以雙城堡未到之三百零二戶言之已需銀六萬餘兩加以號荒墾熟之十萬八千晌全行撥駐則所需又不啻數十萬微論庫帑支絀巨款難籌卽使挹彼注茲而辦賊辦賑猶虞不足勢必先其所急况

馬賊肆擾有年土著之戶尙不聊生若強京旗使來更難安業此數千戶旗丁民佃數萬名口耕食鑿飲歷久相安一旦撤其熟地縱擇間荒另爲安插竊恐安土重遷不適有居亦非緩靖撫循之道臣等愚昧之見謂與其撤地歸旗諸多窒礙不若因勢乘便俾免紛更去歲派委通判王紹元前往查明稟覆據稱該處旗民佃戶因間有復撥京旗之說紛紛呈訴雙城堡京旗餘丁永成等五百餘名呈稱伊等祖父自道光四年移撥來堡每戶給地三十五晌迄今五十餘年支庶繁衍生齒日增原領之地不敷餬口現堡

屬尙有未來之三百零二戶地畝一萬餘晌懇請撥補餘丁等作爲恆產仍免納租願每地一晌輸市錢天恩三貫以濟餉需等語查同治八年前將軍富明阿奏請將雙城堡京旗逃逸之二百二十餘戶地畝撥補京旗餘丁奉部覆准有案今該丁等所呈覈與成案相符又伯都訥號荒一百二十屯紳士聯名呈懇據稱伊等祖父原領旗二民一之地食毛踐土歷有年所今若撥駐京旗將地撤三分之二丁口繁庶生計愈艱必致失所可否捐資助餉懇將此項地畝作爲伊等產業臣等詳加詢訪其號荒各佃領種多年傳

衍數世小民無知不諳旗二民一之義以爲此地是伊等祖產更有輾轉典賣之戶忽聞抽撤歸旗羣相疑懼今若遽令退出生計維艱已屬可憫且恐流離失所或致別滋事端現當整頓地方之際各處流民尙須設法安插自未便將有業之民驅逐遷移轉無容身之地唯移撥京旗事關重大况係奉

旨飭查之件未敢率行批准謹據實瀝陳合無仰懇

天恩俯准將雙城堡備撥京旗之三百零二戶地畝令餘丁等承領伯都訥號荒一百二十屯地畝給佃民等永爲恆產之處出自

逾格仁施奉

旨報可旋經戶部議駁又奏謂雙城堡留撥京旗未到之三百二戶已由總管均勻撥定所有地畝一萬五千七百晌屯旗人願每地一晌捐錢三貫共捐輸市錢三萬一千七百一十貫頃已收齊聽候指撥伯都訥屬號荒地畝已經委員傳集紳民等籌商請照荒價減半每地一晌捐市錢一貫零八十文以一貫助餉八十文爲書役工費數月以來事已垂成未便收回成命奏上如議行

賓州廳

行差人丁一千一百七十六官莊人丁三十六名徵

銀一百八十一兩六錢

按廳額止有丁糧無地糧可攤仍循其舊徵耗羨

銀一十八兩一錢六分均起運充俸餉 原額納租

民地八萬四千零三十五晌八畝一分光緒六年丈

出浮多地九萬一千五百五十八晌三畝三分八年

丈出浮多地六百六十一晌二畝三分螞蜒河原放

荒熟地七千一百一十五晌四畝三分又因建修城

垣公用撤出站丁白富喜原佔寬恩社內地段撥補

二百九十九晌五畝六分續放螞蜒河荒地一萬一

千零六十三晌六畝凡地十九萬四千七百三十三

晌九畝六分大租徵銀三萬五千零五十二兩一錢

一分二釐八毫十八年將軍長順奏撥蜚克圖站池

東納租地一萬零六百五十二晌爲阿勒楚喀官兵

隨缺地照晌數劃撥租銀餘起運充俸餉小租徵銀

三千五百零五兩二錢一分一釐二毫八絲津貼阿

勒楚喀副都統署辦公銀九百兩餘作催租人役工

食經費

謹按阿勒楚喀丁糧今分隸賓州廳同知雙城廳

通判徵收

光緒六年將軍銘安奏言上年七月間據阿勒楚喀

副都統富和咨稱阿屬山東前放八萬二千晌荒地
界址不清現查出柳樹河甬子溝一帶復有開墾無
照地畝前後共計一萬四千五百八十六晌有奇當
派通判王紹元等履畝勘丈會同協領桂全親詣老
營口山內查得距山三十餘里大青背山係阿屬圍
場正身其山東北至甬子溝河南西南至香爐砬子
袤延一百餘里均屬圍場邊界層巒峻嶺人跡僅通
其中石洞河夾板川等處每遇平川數里俱有居民
一二十戶三四十戶不等徧行周歷共查出礙圍佃
民九百十餘戶墾熟地畝一萬餘晌現僅存大青背

山附近斜長四五十里寬十數里之地未經侵礙伏
查阿屬圍場係講武捕鮮之所例應封禁乃因早年
原放荒地委員經理不善均被攬頭欺朦以致多所
侵佔近年圍獵久停官長亦耳目不及故民愈聚而
愈衆地愈墾而愈多現據查明居民不下千家墾地
且逾萬晌圍場界址侵佔無餘若概予驅逐各佃民
耕鑿相安轉使流離失所况人煙稠密禽獸早無處
潛踪事隔多年勢難規復再四思維與其重遷安土
益少害多何如就地養民增租裕課合無仰懇

天恩准將柳樹河甬子溝佃民開墾礙圍之地一律清丈

給照升科另擇寬大山場以備圍獵之處出自

聖主逾格仁慈奉

旨報可

五常廳

原額納租民地十萬零三百八十九晌七畝七分九釐丈出浮多地一萬七千零十九晌六畝七分凡地十一萬七千四百零九晌四畝四分九釐大租徵銀二萬一千一百三十三兩七錢零八毫二絲起運充俸餉小租徵銀二千一百一十三兩三錢七分零八絲二忽津貼五常堡協領署辦公銀六百兩餘作催

租人役工食經費冊

雙城廳

行差人丁一千七百九十官莊閑戶人丁四十一徵銀二百七十四兩六錢五分

按廳額無地糧可攤故丁糧仍循其舊耗

羨銀二十七兩四錢六分五釐均起運充俸餉

請旌節孝

建坊銀在此原額納租民地六萬四千八百五十

晌零六畝七分丈出浮多地一萬一千七百五十七

晌五畝一分凡地七萬六千六百零八晌一畝八分

大租徵銀一萬三千七百八十九兩四錢七分二釐

四毫光緒十八年將軍長順奏撥東官佃板子房等

處地九千晌爲拉林官兵隨缺地照晌數撥給租銀
餘起運充俸餉小租徵銀一千三百七十八兩九錢
四分七釐二毫四絲津貼拉林協領署辦公銀二百
二十五兩餘作催租人役工食經費冊報

甯古塔

原額陳民三則地四萬五千五百十六畝應徵銀米
地各二萬二千七百五十八畝續增流民墾地一千
三百二十一畝不分等則共徵銀一千六百九十八
兩零四分六釐 先是人丁一千三百五十徵銀二
百零二兩五錢光緒九年攤丁入地每地銀一兩攤

丁銀三錢三分八釐有奇 已上徵收銀兩均起運

充俸餉冊報

乾隆二十七年定甯古塔等處禁止流民例凡甯古
塔地方開檔家奴及官莊年滿陳入民籍人等係世
守居住不能遷移者令照舊種地納糧其本年查出
甯古塔種地流民安插吉林烏拉伯都訥等處將丈
出餘地撥給耕種入籍納糧吉林烏拉編入里甲入
冊交糧嗣後復有流民潛入境地者將看守邊門官

員嚴參議處皇朝通考十九

三姓

陳民三則地一百二十畝徵銀一兩二錢米二石六斗四升折徵銀二兩六錢四分乾隆四十六年續增流民墾地六十六畝不分等則徵銀五兩二錢八分米二斗九升二合五勺折徵銀二錢九分二釐零五絲永疑社四甲行差人丁四百零九徵銀六十一兩三錢五分按三姓丁銀之數多於地銀故未攤入地畝已上額徵大凡銀七十兩零七錢六分三釐零五絲徵耗羨銀六兩七錢八分三釐冊報

琿春

光緒六年將軍銘安等奏請開放荒地五千八百五

十四晌十二年由敦化縣劃撥哈爾巴嶺迤東南岡等處生熟荒地一萬七千九百九十八晌五畝本年升科熟地三千九百四十一晌餘山認墾之年起限十年後一律升科冊報十七年清丈黑頂子屯兵墾地一百四十四晌三畝五分大租徵銀二十五兩九錢八分三釐小租徵銀二兩五錢九分八釐三毫十九年勘丈已交荒價熟地二萬七千七百四十晌零一畝四分大租徵銀四千九百九十三兩二錢二分五釐二毫小租徵銀四百九十九兩三錢二分二釐五毫二絲又未交荒價已墾成熟地一千五百零二晌

八畝七分已交荒價未墾成熟地一萬零三百五十五畝三畝八分未交荒價未墾成熟地三千三百零四畝五畝文移

十一年戶部議准據吉林將軍希元等以制錢不敷周轉擬將雜稅土稅地租改徵銀款作為永遠定額其燒鍋票課釐捐斗稅仍照舊徵收等情具奏查徵收課款無論銀錢均應實存在庫吉林以現錢不敷憑帖搭交不足以計久遠今奏稱改徵銀款永遠定額由經徵各員以現銀解庫係為革除抹兌整頓庫儲起見臣等公同酌商所有應徵雜稅土稅荒地租

賦地賦大租徵錢六百文改為一錢八分小租徵錢六十文改為一分八釐俱改徵銀款

其餘照舊徵收錢款均擬如所請辦理唯徵收錢款相安已久今驟改為銀款恐制錢既未充裕銀兩亦非果有盈餘儻差役人等或借口餘色補平火耗等項多方需索是未能便民反致擾民尤不可不豫為防範應請

旨飭下吉林將軍等實力查察以杜弊端務期於庫儲民用兩無窒礙

十八年將軍長順復奏請銀錢兩收以期便民凡地二十畝以上之戶納租時以八成交銀二成交錢二

十响以下之戶銀錢悉從其便從之

照前案

自設不立林州軍管買衣者應以其前所領之票為憑

胡蘇鳳節

更令式需得呈未請與及延對其式不可不審

其果有盜偷等項外人等河計口給分斷平大其

財交日八令國河派驗慈慈除錢對木次各驗兩亦

其餘照舊辦理以該破似請轉聖制辦理

細谷小縣銀六十大文每銀一代八釐

